

Romanos

Pablo Roma cjēnare Jesu yequinare ojoa ohoahye

¹ Yuh̄u Pablo m̄sare Roma cjānare ojoa ohoaja. Yuh̄u Cohācjū cahacjū ijiaja. Sa yero quehnoañe buheyere buhe dutiro yuh̄ure cūri tiquiro.

² Ti buheyere quehnoañe buheyere panop̄u Cohācjū “Yahuḡu t̄u niaja”, nie tiahye. Tiquiro sa ni yahuriro sahata tiquiro yere yahu m̄htariquinare panop̄u cjēnare tiquiro yahuatire tiquiro ya p̄p̄u ojoa dutiahye. ³ Ti buheyeta tiquiro mac̄nore yahuye ijire. Tiquiro mas̄no waro ijiro taro Davi m̄nano panamino iji turiariquiro ijiahye tiquiro. ⁴ Jesucristo mari p̄htoro Cohācjū mac̄no ñañe marieniquiro tiquiro ijiyere oh̄o saha ih̄noahye Cohācjū. Tiquiro yariari bato Cohācjū tutuaye mehna tiquirore masa wijiaḡu yeahye. Sa yero Jesucristo potota Cohācjū mac̄no tiquiro ijiyere ih̄noahye Cohācjū masare. ⁵ Tiquirota us̄are paja ih̄n̄ano us̄are tiquiro yere buhe dutiro ohori ijipihtiyequina Jesucristore wacū tutua tiquina ño peotire. ⁶ Sa yero m̄sa ḡh̄ure Jesucristo yequina ijianare beseahye tiquiro.

⁷ M̄sare, Cohācjū cah̄nare, Roma cjānare, tiquiro yequina ijianare yeri m̄sare tiquiro. M̄sare ijipihtinare ahri p̄re ojoa ohoaja. Sa yeḡu Cohācjū mari Pac̄u, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

Pablo Romapure ihñano waha duaro nimahye

⁸ Ahrire yahu m̄htaũtja m̄sare: Ijipihtiyē macari c̄jēna Jesucristore m̄sa wacũ tutuarire masa yahuri ȳh̄re. Tiquina sa ni yahugũ t̄hoḡu “Quehnoare”, niaja Coh̄c̄j̄re. Jesucristo yedohoro mehna sa ni sini basaja. Coh̄c̄j̄re sini basaḡu m̄sare sa sini basaducujaja. ⁹ Ȳh̄re tiquiro dutigũ tiquiro mac̄no ye buheyere quehnoañe buheyere tutuaro buheḡu tiquiro cahac̄j̄ta ijiaja ȳh̄u. Sa yero m̄sare Coh̄c̄j̄re ȳh̄u sa sini basaducugũ tiquiro masine. ¹⁰ Sa sini basaḡu Coh̄c̄j̄ cahmegũ yojop̄u p̄ritare m̄sa cahap̄u ȳh̄u ihñau wahatore siniaja. Yoari p̄je m̄sare ihña duaḡu ȳh̄u wahatire cohteĩ ye c̄maja ȳh̄u. ¹¹ Coh̄c̄j̄ yere m̄sare buhe duaja Jesure m̄sa wacũ tutua nemoatire. Sa yeḡu m̄sare tutuaro ihña duaja ȳh̄u. ¹² Jesure wacũ tutuaja mari. Sa yeḡu m̄sare ihña duaja Jesure mari wacũ tutuaye mehna p̄na peheri mari cahme bucuegũ yeatore.

¹³ Ȳh̄u acaye, ahrire m̄sa masigũ cahmeaja. Quehnoañe buheyere ȳh̄u buheri bato apequina m̄sa acaye judio masa ijieyequina Jesure wacũ tutuari. Sa yeḡu peye tahari m̄sa cahap̄u waha duami apequina Jesure tiquina wacũ tutuaro sa hata m̄sa mehna c̄jēna ḡh̄u tiquina wacũ tutuatire. Sa waha duepeḡta waha masied̄u ȳh̄u. ¹⁴ Ijipihtiyequinare quehnoañe buheyere buhero ijiro nine ȳh̄re. Pecas̄re, pohteri c̄jē ḡh̄re, masiñequinare, masieñequina ḡh̄re buheac̄j̄ iji-ita niaja ȳh̄u. ¹⁵ Sa buheac̄j̄ ijiḡu m̄sare Roma c̄j̄nare quehnoañe buheyere tutuaro buhe duaja.

Quehnoañe buheyere masa tũhoye Jesure wacũ tutua dũcare

¹⁶ Quehnoañe buheyere tũhoye Jesure wacũ tutua dũcare masa. Sa yero ijipihtiyequinare Jesure wacũ tutuayequinare Cohãcjũ tutuaye mehna pecarũ wahaboriquinare yũhdũore. Tiquina sa yũhdũgũ masigũ ti buheyere quehnoañe buheyere buhegũ bũoro yũhdũeraja. Ti buheyere judio masa pehere buhe mũhtari jiri Jesu gũhũ. Tiquina buheri bato judio masa ijieyequina gũhũre ʘsã buhei. ¹⁷ Ti buheye ohõ saha ni yahure: Jesure wacũ tutuayequinare “Quehnoañequina ijire”, ni, ihñare Cohãcjũ. Tiquirore wacũ tutua dũcayequinare sata ni ihñare Cohãcjũ. Tiquiro sa ni ihñari bato tiquirore wacũ tutuaducure tiquina. Ahri panopũ tiquina ni ojoariro sahata ijire: “ ‘Quehnoañequina ijire’, tiquiro ni ihñañequina Cohãcjũre wacũ tutuayequinata ijire. Sa wacũ tutuaye, ijipihtiyede decori Cohãcjũ mehna sa ijiducuenta”, ni, ojoahye.

Masa tiquina ñañe yeri buhirire yahuahye Pablo

¹⁸ Cohãcjũ ʘhmũsepũ ijiriquirore masa tiquina yũhdũdũcarire, tiquina ñañe yeri gũhũre ihñano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tũhoeragũ yere tiquina pehe. ¹⁹ Tiquiro basi tiquiro ijiye tiyere masigũ yeahye Cohãcjũ. Tiquiro sa yegũ Cohãcjũre masigũ mijoedare masare. ²⁰ Cohãcjũ ʘhmũse cjãno tiquiro ijiyere, tutuariquiro tiquiro ijiye gũhũre mari ihñedapegũta tiquiro basi tiquiro

ijiyere marine masigũ yere tiquiro. Ahri yehpare tiquiro bajumehnedi bato ijipihtiyere tiquiro bajumehnedire ihñañe “Cohãcjũ tiquiro yeri ijire ahri”, niñe, Cohãcjũ tiquiro ijiye tiyere masine masa. Sa ye masa Cohãcjũre masiepeteta sa ñañene yeducuye, buhiri tire. “Mähũre masiedũ. Sa yegũ ñañene yei”, ni masisi Cohãcjũre. ²¹ Sa ye Cohãcjũ tiquiro ijiye tiyere masiepeteta tiquina tiquirore ño peerare. Sa ye tiquinare tiquiro quehnoano yepegũta tiquina pehe “Quehnoare”, niedare tiquirore. Sa tũho masieñequina ijiye, ñañe dihitare tũhoture tiquina. ²² “Tũho masina ijiaja”, niepeteta tũho masieñequina wahare tiquina. ²³ Sa wahaye Cohãcjũre sa ijiducuriquirore tiquina ño peerare. Sa ño peeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjũa queoyere, pinoa queoyere, wahiquina queoye gũhũre “Cohãcjũ ijire”, ni ño peo maca cãhre tiquina.

²⁴ Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yũhdũaro cahme yeducure tiquina basi. ²⁵ Sa ye Cohãcjũ ye pehere cahmedaye, ni mehoñe pehere quehnoano tũhore tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiyere yeriquirore ño peoducuro cahmene. Sata ijiahro. Tiquina pehe tiquirore ño peerare. Sa tiquirore ño peeraye,

Cohãcjũ yeri pehere ño peore tiquina. Sata ijiahro.

²⁶ Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjëna numia manũ tiyequina numia yero saha ijierare. Sa ye tiquina numia, numia sehsharo ñano yere tiquina paguri mehna. ²⁷ Tiquina yero saha ijiyequina umãa gũhũ tiquina esa tuharo ña yũhdũaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yũhdũare.

²⁸ Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure. ²⁹ Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cãogũ ihña cooducuyequina, masare wejẽñequina, cahme dũse tini wiayequina, ni mehoñequina, masare ihña tuhtiyequina, ñañe quiti dahreyequina, ³⁰ apequina tiquina yerapegũta ñano ni yahu wajayequina, Cohãcjũre ihña tuhtiyequina, apequinare purĩno yũhtiyequina, “Ušã pehe masi yũhdũdũcaja”, ni tuhotuyequina, apequinare sa ni yahuyequina, apeye ñañene ye dũcayequina, tiquina pacusũmũare yũhtiyequina, ³¹ tuho masieñequina, tiquina nino sahata yeeyequina, masare ne cahieñequina, tiquina basi cahme pihopũri duhueyequina, ne paja ihñeñequina ijire tiquina. ³² Sa ñano yeducuyequinare Cohãcjũ pecapũ cohãnota. Tiquiro sa cohãtire masiepeta tiquina ti ñañene sa yeducure. Sa ye apequina

tiquinare ihña cū tiquina yero saha ñano tiquina yegũ ihñañe, “Ûsã yero saha yere”, ni bucuere.

2

Masare buhiri dahre dutiro tire mehono marieno potota yerota Cohãcjũ

¹ “Tiquina ña yñhdñayequina ijire”, ni yahu wajaeracãhña apequinare. Mñsa gũhñ tiquina yero saha yere. “Ñañene yeraja. Sa yena ñañe buhiri mariedaga”, ni masiedare mñsa. Sa yena ijina tiquinare yahu wajana ijina, mñsa basi buhiri dahre dutina niaga. ² Sa yena ñañe yena ijiepenata mñsa yahu wajagũ mñsa gũhñre Cohãcjũ buhiri dahrerota. Potota queoro tiquiuro buhiri dahregũ masiaja mari. ³ Apequinare “Buhiri tieta”, ni yahu wajana mñsa ijigũ mñsa gũhñre buhiri dahrerota. Sa yena “Ûsãre buhiri dahresi”, ni tñhotuboaga mñsa. Ijierare. Mñsa gũhñre buhiri dahrerota tiquiuro. ⁴ Mñsa ñano yepegũta Cohãcjũ mñsare paja ihñano duita buhiri dahrerare. Sa yena “Cohãcjũ yñhñ mehna usuasi”, ni tñhotuboaga mñsa. Ijierare. Cohãcjũ mñsare paja ihñano, duita buhiri dahrerare mñsa ñañene bujñña wutigũ ihña duaro, tiquiore mñsa yñhtigũ cahmeno. ⁵ Sa buhiri dahre dueraperota mñsa Cohãcjũre yñhti dueragũ, mñsa ñañe yerire bujñña witieragũ, buhiri dahrerota mñsare. Buhiri dahreri deco pano mñsare tiquiuro buhiri dahreboriro yñhdñoro ti deco waropñre ñano mñsare buhiri dahrerota Cohãcjũ. Nĩ mehono marieno buhiri dahrerota. ⁶ Sa yero ijipihtiyequinare tiquina ñano yeri buhiri

buhiri dahrerota Cohãcjũ. Sa yero quehnoañene tiquina yeri wapa quehnoano yerota masare. ⁷ Ihquẽquina quehnoañene yeducuyequina ijire. Tiquina quehnoañene ye duayequina, Cohãcjũre quehnoano bucuegũ ye duayequina, ijipihtiye decori Cohãcjũ mehna iji duayequina ijire. Tiquina pũritare decoripe tiquiro mehna ijigũ yerota Cohãcjũ. ⁸ Apequina pehe tiquina yero saha ijierare. Tiquina esa tuharo yeyequina ijire. Cohãcjũ yere cahmedare. Tiquina mehna Cohãcjũ tutuaro usuarota. ⁹ Ijipihtiyequina ñano yeriquina ñano yãhdũeta. Judio masare sata waha mãhtanota. Sa ye judio masa ijieyequina gãhũre sata waharota. ¹⁰ Ijipihtiyequina quehnoañene yeyequina pehere Cohãcjũ “Quehnoare”, ninota. Sa ye masa tiquinare ño peota. Sa yero tiquinare quehnoano ijigũ yerota Cohãcjũ. Judio masare sata waha mãhtanota. Sa ye judio masa ijieyequina gãhũre sata waharota.

¹¹ Cohãcjũ mari yerire ihñano queoro besere ijiphtinare, ñana, quehnoana gãhũre. ¹² Apequina Cohãcjũ Moiserere tiquiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gãhũre. Sa yero ti dutiyere caoyequina ñañene tiquina yegũ ti dutiyere tiquina yãhdũdũcari buhiri buhiri dahrerota Cohãcjũ. ¹³ Cohãcjũ dutiyere tãhoepeta yãhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ. ¹⁴ Judio masa ijieyequina Cohãcjũ Moiserere tiquiro cũri dutiye

caerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moiserere tiquiro dutiyere ojoari pũre caerapeta tiquina tãhotuyepũ tiquiro ye dutiyere caore. ¹⁵ Sa ye tiquiro ye dutiyere tiquina tãhotuyepũ potota caore tiquina. Sa caoye ñañene yeye, duita tiquina ñañe yerire masine tiquina. Sa yero ñañene yeriquiro “¿Dũhse ijero boro ñañene yeri yũhũ?” ni tãhoture tiquiro. Sa yero quehnoañene tiquiro basi yeri gũhare masine tiquiro. ¹⁶ Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehorro, tiquiro tiquinare beserota quehnoañequina, ñañequina gũhare. Sata tiquina yerire masidiquiro ijero, beserota tiquiro quehnoañe buheye ti nino sahata. Ti buheyeta ijire musare yũhũ buheri.

Cohãcjũ Moiserere tiquiro dutirire yahuahye Pablo

¹⁷ Mũsa pehe judio masa ijina, Cohãcjũ Moiserere tiquiro dutiyere ño peona ijina, “Cohãcjũ yequina ijiaja”, ni tãhotumene mũsa. ¹⁸ Sa yena Cohãcjũ dutiyere masina ijina, tiquiro cahmeñene masine mũsa. Sa masina ijina, “Quehnoañene usã yeatire bese masiaja usã”, ni tãhotumene mũsa. ¹⁹ Sa ni tãhotuna ohõ saha ni tãhotu nemore mũsa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye ñañene duhueraboaga”, ni tãhotumene mũsa. ²⁰ Sa yena “Tũho masieñequinare quehnoañene ye dutina, macanagã gũhare buhena ijiaja usã”, ni tãhotumene mũsa. Sa yena “Cohãcjũ dutiyere cõna, poto ijiyere masi pehoaja usã”, ni

tuhotumene m̄sa. ²¹ ¿Sa yena apequinare buhena ijiepenata, d̄hse yena m̄sa pehe m̄sa buheriro saha yerajari? ¿Apequinare yaque dutierapenata d̄hsena m̄sa pehe yaqueajari? ²² ¿Apequi namono mehna ñano ye dutierapenata d̄hsena m̄sa pehe apequi namono mehna ñano yeajari? “Cohãcjũ ijire”, tiquina niñe queoyere ihña yabina ijire m̄sa. Sa ihña yabina ijina Cohãcjũ waro pehere ño peona ijimene m̄sa. ¿Sa ño peona ijiepenata d̄hsena tiquirore quehnoano ño peerajari m̄sa? ²³ “Cohãcjũ Moiserere tiquiro dutiyere c̄oaja usã”, nina ijiepenata ti dutiyere ȳhd̄d̄ucare m̄sa. Sa ȳhd̄d̄ucana Cohãcjũre ño peeragũ yena niaga m̄sa apequinare. ²⁴ Sata nine Cohãcjũ yere tiquina ojoari p̄p̄: “Cohãcjũ dutiyere m̄sa ȳhd̄d̄ucari buhiri judio masa ijieyequina pehere Cohãcjũre tiquina ñano yahuducugũ yere m̄sa judio masa”, ni ojoahye Cohãcjũ yere tiquina ojoari p̄p̄.

²⁵ “Cohãcjũ yequina ijiaja”, ni tuhature ihquẽquina judio masa cuhnucun̄ sohtoa cahserogãre ȳhre nenohriquina. Cohãcjũ yere tiquina yegũ judio masa tiquina ijigũ quehnoarĩne. Tiquiro yere tiquina yeragũ judio masa tiquina ijiye tiye d̄hseati ijierare. Ȳhre nenohriquina tiquina ijiye tiye ḡh̄ d̄hseati ijierare. ²⁶ Sa yero judio masa ijieyequina cuhnucun̄ sohtoa cahserogãre ȳhre nemehneñequina tiquina ijiepegũta, Cohãcjũ dutiyere tiquina yegũ ihñano “Yeequina masata ijire”, ni ihñare Cohãcjũ tiquinare. Judio masa pehere tiquiro sa ni ihñaboriro sahata judio masa ijieyequina

pehere sa ni ihñare. ²⁷ Peyequina judio masa Cohãcjũ Moiserere tiquiro dutiyere cœopeta tire yerare tiquina. Sa ye apequina judio masa ijieyequina pehe cuhnucunũ sohtoa cahserogãre yũhremehneñequina ijiepetã tiquiro dutiyere yere. Sa yeyequina ijiye judio masa tiquina ñano yerire masigũ yeye nine. ²⁸ Yojopũre judio masũno waro tiquiro ijiyere yahutjã mũsare. Tiquiro cuhnucunũ sohtoa cahserogãre yũhrenehriquirero ijieperota Cohãcjũre ño peeraro, potota judio masũno waro ijierare. ²⁹ Cohãcjũ yaquirero Espĩritu Santore cœoriquiro tiquirore yũhtiriquiro tiquiro tjire judio masũno waro. Sa yero tiquiro cuhnucunũ sohtoa cahserogãre tiquiro yũhrene cohãriro sahata tiquiro ñañe yerire duhure tiquiro. Tiquiro esa tuharo dutiyere yeriquiro ijieraperota Espĩritu Santo yedohoye mehna tiquiro ñañe yerire duhure. Sa ijiriquirore “Quehnoariquirero ijire”, ni ihñare Cohãcjũ pehe. Masa pehe tiquirore tiquina sa niedapegũta, sa nine Cohãcjũ pehe.

3

¹ ¿Yũhũ sa nigũ judio masa ijiye tiye ihyo waro ijiajari, mũsa tũhotugũ? Ne ihyo waro ijero niedare. ¿Cohãcjũ judio masare tiquiro dutiriro sahata tiquina pagũrire cuhnucunũ sohtoa cahserogãre tiquina yũhrene cohãñe ihyo waro ijiajari, mũsa tũhotugũ? Ne ihyo waro ijero niedare. ² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mũhtahye. Sa ye judio masa tiquina ijigũ

quehnoarĩne tiquinare. ³ Sa ye ihquẽquina judio masa Cohãcjũre tiquina tũhoerapegũta tiquiro nidi ijirota ijire. Sa yero tiquiro ni cũriro sahata yerota tiquiro. ⁴ Sata ijire. Ijipihtiyequina masa ni mehoñequina tiquina ijiepegũta Cohãcjũ pehe ne ni mehoedare. Panopũ tiquiro yere yahu mũhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mũhũ Cohãcjũ. Sa ye mũhũre masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tũhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegũta dahsero tiquiro mari ñañene yeri buhirire buhiri dahre maca cjãri?” ni tũhotuboaga masa. Masa tiquina tũhotuboriro saha nigũ niaja yũhũ. ⁶ Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñoñe niboaga tiquina. Sata ni tũhotumene ihquẽquina. Sa ni tũhotuye ohõ saha ni tũhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usã ni mehoñe quehnoarĩne. ¿Usã ni mehoñe quehnoañe ijiepegũta dahse ijiro boro usã ni mehoru buhirire usãre buhiri dahre maca cãboari

Cohãcjũ?” ni tãhotumene ihquẽquina masa. ⁸ Sa ye ohõ saha ni mehore ihquẽquina usãre: “ ‘Ñano yena Cohãcjũ tiquiro quehnoariquiro ijigũ ihñona niaga. Sa yena ñano yeihna’, nidi Pablo gãhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihtina buhiri tina ijiaja mari

⁹ ¿Sa ye dũhse ni tãhotuajari mũsa? ¿Mari judio masa apequina yũhdũoro quehnoana ijiajari mari? Ijieraja mari. Judio masa, judio masa ijiena gãhũ ijipihtina buhiri tina ijiaja mari. Sata ijire ijipihtiyequinare yũhũ buheriro sahata. ¹⁰ Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare.

¹¹ Ijipihtiyequina masa tãho dueyequina dihita ijire. Sa ye ijipihtiyequina masa ne Cohãcjũre wacũ peerare.

¹² Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare.

¹³ Tiquina dũseri masa coperi tiquina põo docoro yero saha ijire. Tiquina yahuducugũ, masa coperi ẽrĩ wijiario saha ni mehoñe dihita tiquina dũserire wijiare. Sa yahuducuye aña dũsero tiquiro nima purĩne wijiario saha purĩno tiquina yahuducuye wijiare tiquina dũserire.

¹⁴ Sa ye tiquina apequinare ñano yahuducuyequina purĩno yahuducuyequina ijire. ¹⁵ Sa ye usua

ñañequina duita masare wejñequina ijire. ¹⁶ Sa ye noho tiquina waharopu tiquina masare ñano ye, ñano yuhdugũ yere tiquinare. ¹⁷ Sa ye apequina masa mehna tiquina quehnoano ijierare. ¹⁸ Sa ye Cohãcjũre ne ño peerare, ni ojoahye panopure.

¹⁹⁻²⁰ Cohãcjũ Moiserere tiquiro dutiyere marine judio masare ohoahye tiquiro dutiyere ijipihtina mari ye pehoatire. Ti dutiyere cœopeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihtiro cjẽna Cohãcjũ tiquiro buhiri dahrenohatiquina tiquina ijigã, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigã yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

Cohãcjũre quehnoano mari wacũ tutuana tiquiro yequina wahaja mari

²¹ Sa ye Cohãcjũ Moiserere tiquiro dutiye, tiquiro yere yahu mahtariquina tiquina ojoari gũhu Cohãcjũ masare tiquina ñañe yerire tiquiro borire yahuahye. Tiquiro dutiye sa yahuepegãta yojoputa Moiserere tiquiro dutiri marieno masare tiquina ñañe yerire tiquiro borire yahure marine Cohãcjũ. ²² Ijipihtiyequina Jesucristore wacũ tutuayequinare, tiquirore tãhoyequinare

“Quehnoañequina ijire”, ni ihñare Cohãcjũ. Cohãcjũ ijipihtiyequinare ihcãno saha yeriquiro ijire. ²³ Mari ijipihina ñañene yerina ijiaja. Sa yena Cohãcjũ tiquiro cahmediro sahata ne yeru. ²⁴ Mari sa yerapegũta mari Pacu marine tiquiro paja ihñagũ mari ñañe yerire Jesucristo pehe bore. Tiquiro sa bogũ “Quehnoana ijire”, ni ihñare Cohãcjũ marine Jesure wacũ tutuanare. Mari esa tuharo ye dutiro marieno Jesu yedohoro mehna mari ñañe yerire bore. ²⁵ Panopu cjẽna tiquina ñañe yerire ihñano Cohãcjũ duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tãhotu cãno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohãtiquirore. Jesucristore mari wacũ tutuagũ Cohãcjũ pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigũ yero niahye. ²⁶ Sa yero yojopure tiquiro nidiro saha yeriquiro tiquiro ijiyere masa tiquina masigũ cahmene tiquiro. Sa yero Jesure wacũ tutuayequinare quehnoañequina tiquiro yerire tiquina masigũ cahmene Cohãcjũ. Tiquiro sa yerire tiquina masiatire tiquiro macnure mari ñañe buhirire yariatiquirore ohori jiri.

²⁷ ¿Yojopure “Quehnoana ijiaja mari”, ni masiagari mari, msa tãhotugũ? Tire ne ni masiedaja mari. ¿Dahsena tire ni masiedagari mari? ¿Cohãcjũ tiquiro dutiyere yena, “Quehnoana ijiaja”, ni masiboari mari? Ijierare. Ti gũhure ni masiedaja mari. Mari sa ni masiedapegũta Jesure mari wacũ tutuagũ “Quehnoana ijire”, ni ihñanota marine Cohãcjũ.

28 Ohõ saha masiaja mari: Jesure mari wacũ tutuagũ ihñano marine ihña coare Cohãcjũ. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacũ tutuagũ sa ni ihñare.

29 Cohãcjũ judio masa pũhtoro dihita ijierare. Judio masa ijieyequina pũhtoro gũhũ ijire tiquiro.

30 Sa yero Cohãcjũ ihcãquiota ijiro, ijipihtiequina pũhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gũhũ Jesure tiquina wacũ tutuagũ tiquina gũhare “Quehnoañequina ijire”, ni ihñanota Cohãcjũ. 31 ¿Sa yena Jesure wacũ tutuana Cohãcjũ Moiserre tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

4

Abrahã Cohãcjũre tiquiro wacũ tutuarire yahuahye Pablo

1 Mari ñesũ mũnano iji mũhtariquiropũre Abrahã mũnanore Cohãcjũ ohõ saha yeahye:

2 Abrahã quehnoano tiquiro yepegũta “Quehnoariquiropũre ijire”, ni ihñedarĩahye Cohãcjũ tiquirore. Sa yero quehnoano yeperota ñariquiropũre ijinino “Yũhũ pũrita quehnoagũ ijiaja”, ni masiedahye Abrahã, Cohãcjũ ihñagũ. 3 Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tuhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiropũre ijire’, ni, ihñahye”,

ni ojoahye tiquiro yere tiquina ojoari pũpũ.
 4 Pũhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine. 5 Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiro ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiro ijire”, ni ihñare Cohãcjũ tiquirore. 6 Sata niahye panopũ cjũno Davi mũnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiro ijire”, ni ihñare. Tiquiro sa ni ihñanohriquiro masũno pehe tiquiro bucuyere yahuahye Davi mũnano. Ohõ saha niahye:

7 Tiquina ñañe yerire tiquiro bonohriquina pehe tutuaro bucuere. 8 “Quehnoañequina ijire. Tiquina ñañe yerire wacũsi yũhũ”, Cohãcjũ sa ninohriquina tutuaro bucuere, niahye Davi mũnano.

9 ¿Judio masa tiquina cuhnucunũ sohtoa cahserogãre yũhre nenohriquina dihitare tiquina ñañe yerire boyari Cohãcjũ? Ijierare. Judio masa ijieyequina yũhre nemehneñequina gũhũre tiquina ñañe yerire bore tiquiro. Pari turi Abrahãre wacũña masa. Tiquiro Cohãcjũre wacũ tutuagũ ihñano “Quehnoariquiro ijire”,

ni ihñahye Cohãcjũ. ¹⁰ ¿Dũhse ijigũ sa yeari Abrahã, m̄sa tũhotugũ? Tiquiro cuhnucunũ sohtoa cahserogãre tiquiro yũhre neato panopũta tiquirore “Quehnoariquiro ijire”, ni ihñahye Cohãcjũ. Sa yero yũhre nenohno, tiquiro ñãñe yerire bo tuhasanohriquiropũ yũhre nenohahye. ¹¹ Sa yero duita Cohãcjũre wacũ tutua m̄htahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñõatore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro yũhreato pano Cohãcjũ pehe “Quehnoariquiro ijire”, ni ihña tuhasahye tiquirore. Tiquiro yũhre neato pano tiquiro sa ihñariro saha ijipihtiyequina Cohãcjũre wacũ tutuayequinare judio masa ijieyequina yũhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecũno m̄nano waro ijiriro saha wahare. ¹² Tiquina yero sahata judio masa, yũhrenohriquina Cohãcjũre tiquina wacũ tutuagũ tiquina ñecũno m̄nano poto ijie tiahye Abrahã. Tiquiro yũhreato pano Cohãcjũre wacũ tutuahye. Sa ye tiquiro yero saha wacũ tutuayequina judio masa Abrahã panamena iji turiayequina ijire.

Cohãcjũ Abrahãre tiquiro ni cũrire “Poto tjire”, niahye Abrahã

¹³ Panopũ ohõ saha niahye Cohãcjũ Abrahãre. “Ahri yehpare m̄hũre, m̄hũ panamena iji turiayequinapũ gũhũre ohoutja”, ni, cũahye Cohãcjũ Abrahãre. Ti dutiyere tiquiro quehnoano

yeri wapa sa niedahye Cohãcjũ tiquirore. Abrahã Cohãcjũre tiquiro wacũ tutuari wapa pehere sa niahye Cohãcjũ tiquirore, “Quehnoariquiro ijire”, tiquirore tiquiro ni ihñari bato. ¹⁴ “Cohãcjũ Moiserere tiquiro cũri dutiye dihitare yero cahmene”, nine judio masa. Sa niñequina Cohãcjũre wacũ tutuaro marieno ahri yehpa ijipihtirore ne duare. Wacũ tutuaro marieno tiquina negũ mari pehe Cohãcjũre mari wacũ tutuaye dũhseati ijieraboaya. Sa yero Cohãcjũ marine tiquiro ni cũri dũhseati ijieraboaya. ¹⁵ Moiserere tiquiro cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yũhdũdũcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yũhdũdũcaro gũhũ mariedaboaya.

¹⁶ Sa ye Cohãcjũre wacũ tutuayequina dihita tiquiro ohoatire neeta. Abrahã Cohãcjũre wacũ tutuahye. Sa yero ijipihtiyequina tiquiro yero saha Cohãcjũre wacũ tutuayequina tiquina ñecũno pota yero saha tojoare Abrahã. Sa yero “Ahrire mũsare ohoutja”, Cohãcjũ nino ijipihtiyequinare tiquirore wacũ tutuayequinare nino niahye. Sa ye Cohãcjũ Moiserere tiquiro dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihtiyequina Abrahã yero saha Cohãcjũre wacũ tutuayequina gũhũ tiquinare tiquiro ohoatire neeta. ¹⁷ Tire Abrahãre tiquiro nidiro sahata ojoahye panopũre: “ ‘Peye macari cjẽna tiquina ñecũno ijiasjũre cũu mãhũre’, ni cũahye

Cohãcjũ Abrahãre”, ni ojoahye panopu. Sa yero tiqairo Cohãcjũre wacũ tutuahye. Sa ye tiqairo yero saha mari wacũ tutuagũ mari ñecu ijigũ yeahye Cohãcjũ tiqairore. Cohãcjũ pehe yariariquinare masoriquiro, ijipihtiyequinare bajumehnediquiro ijire. Sa yero ijipihtiyere, yojopure mariedagũ gũhare bajumehneatiqairo ijire.

¹⁸ “Peye macari cjẽna mahu panamena iji turiayequina ijietã”, Cohãcjũ tiqairo sa nigũ Abrahã pehe pohna mariediquiro ijieperota, “Ijirota ijire”, ni tãhotuahye. ¹⁹ Sa yero cien cahmari caoriquiro ijieperota pohna dahre masieniquiro ijieperota Sara tiqairo namono ne pohna mariedicoro ticoro ijiepegũta “Pohna ti masiedaja usã”, ni tãhotuerahye Abrahã. Sa yero Cohãcjũ tiqairo ni cũrire “Ijirota ijire”, niahye Abrahã. ²⁰ “Tiqairo nidiro sahata yeraboaga”, ne ni tãhotuerahye Abrahã. Sa yero tiqairo Cohãcjũ cũrire quehnoano tãhoahye. Sa niñene tãhotjiãno “Cohãcjũ tutuariquiro ijire”, ni ño peoro niahye. Sa yero Cohãcjũre wacũ tutua nemoahye tiqairo.

²¹ “Cohãcjũ tiqairo nidiro sahata quehnoano ye masine”, ni tãhotu quehnoano masiahye Abrahã.

²² Tiqairo sa masigũ Cohãcjũre tiqairo wacũ tutuagũ Cohãcjũ pehe “Quehnoariquiro ijire”, ni ihñahye Abrahãre. Sata ni ojoahye Cohãcjũ yere tiquina ojoari pũpu.

²³ Sa ye Abrahã dihitare sa ni ojoerahye. ²⁴ Tire mari masiatire mari gũhare sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gũhare Cohãcjũ. Tiqairo pũrita mari pũhtoro Jesu tiqairo yariagũ masori

jiri tiquirore. ²⁵ Jesu pehe mari ñañe buhiri yari-
ari jiri. Tiquiro yariari bato masa wijiari jiri
tiquiro Cohãcjũ marine “Quehnoana ijire”, tiquiro
ni ihñatire.

5

*“Quehnoana ijire”, Cohãcjũ ni ihñagũ ohõ saha
waharota marine*

¹ Jesucristore mari wacũ tutuagũ ihñano
“Quehnoana ijire”, ni ihñare marine Cohãcjũ.
Tiquiro sa ni ihñagũ Cohãcjũ mehna cjãna marine
ijigũ yere mari pũhtoro Jesucristo. ² Sa yena
mari tiquirore wacũ tutuagũ ihñano Cohãcjũ
marine cahĩno, pecapũ wahaborinare yũhdũori
tiquiro mehna mari ijiato saha. Cohãcjũ pũrita
quehnoa yũhdũariquiro ijire. Sa yero tiquiro
yero saha ijigũ yerota marine tiquiro. Tiquiro
sa yeatire quehnoano masiaja mari. Sa yena
bucueaja. ³ Mari ñano yũhdũana gũhũ bucueaja
mari. Ñano yũhdũana, tire dũca cjã mari. Sa
dũca cãna, ñano yũhdũepenata quehnoano
Cohãcjũre wacũ tutuana wahaja mari. Sa yena
Cohãcjũ yere duhueraja mari. ⁴ Mari sa yegũ
ihñano “Quehnoare”, ninota Cohãcjũ marine.
Tiquiro sa nigũ marine tiquiro yũhdũoatire
quehnoano masiaja mari. ⁵ Sa yero Cohãcjũ
marine tiquiro yaquiro Espĩritu Santore ohori
mari mehna ijiatiquirore. Sa yero Espĩritu Santo
pehe mari mehna ijiro Cohãcjũ marine tiquiro sa
cahĩducuyere masigũ yere. Tiquiro sa masigũ yegũ
marine tiquiro yũhdũoati quehnoano waro ijiro
nine. Potota yũhdũnata mari.

6 Sa yero mari ñañe yerire mari basi mari yuhduo masiedagũ tiquiro queoriro esagũ mari ñañe buhirire Cristo yariahye. 7 Quehnoañe dihitare yeriquirore yuhduoro taro apequiro yariaboaga ape taha yero. 8 Mari pehe ñana mari ijiniepegãta marine yuhduoro taro Cristo yariahye. Tiquiro sa yegũ Cohãcjũ marine tiquiro tutuaro cahĩñene masiaja mari. 9 Mari ye buhirire tiquiro sa yariagũ tiquiro dii wijiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yuhduorota Jesu. “Quehnoana ijire”, tiquiro niato pano marine yuhduoeranidi. Yojopũ pehere marine Cohãcjũ yequina tiquiro yeri bato marine buhiri dahresi pecapũ Cohãcjũ. 10 Sa yena Cohãcjũre ihña tuhtina mari ijiniepegãta tiquiro macano yariaro, mari ñañe yerire cohãri. Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojopũ pũritare ti yuhduo cjũno yerota marine. Tiquiro yequina mari ijigũ Jesu tiquiro masa mũjari mehna, marine pecapũ wahaborinare quehnoano yuhduorota tiquiro. 11 Camerũ mari yuhduatire bucueaja. Yojopũre ahri gũhũre bucueaja. Mari pũhtoro Jesucristo mari ñañe buhirire tiquiro yariari bato Cohãcjũ yequina ijiaja mari. Sa yena bucueaja.

Adãre, Cristore yahuahye Pablo Roma cjẽnare

12 Adãn tiquiro ñañene yeri bato ahri yehpare ñañe iji dũcahye. Ñañe iji dũcagũ masa yaria dũcahye. Ijipihtina mari ñañene yeaja.

Sa yena ijipihtina ñana mari ijiri buhiri yari-
 aja. ¹³ Cohãcjũ tiquiro dutiyere Moisere tiquiro
 cūato pano potota ahri yehpa cjēna ñañene yee
 tiahye. Tiquina sa yepegũta ti dutiye mariedagũ
 ti dutiyere tiquina yũhdũdũcari buhiri buhiri
 dahre masiedahye. ¹⁴ Tiquiro sa buhiri dahre
 masiedapegũta Adán gũhũ tiquiro bato ijiyequina
 gũhũ dutiye mariedapegũta yarie tiahye. Moise
 tiquiro ijiato pano dutiye mariedapegũta masa
 yarie tiahye. Apequina ñañe yeye Adán tiquiro
 ñano yeriro saha waro yera timahye. Sa ijiepete
 tiquina gũhũ yarie tiahye. Sa yero Adán ñañene
 tiquiro ye dũcariro saha yoari batopũ ahri yeh-
 papũ ahtariquiro quehnoañene ye dũcari jiri.

¹⁵ Adán tiquiro yũhdũdũcari Cohãcjũ masare
 tiquiro paja ihñañe yero saha ijierare. Cohãcjũ
 tiquiro paja ihñañe pehe quehnoa yũhdũare. Adán
 ihcãquiota ijieperota ñañene tiquiro ye dũcari
 buhiri peyequina masa yarie tiahye. Cohãcjũ pehe
 marine paja ihñano, Jesucristore ohori jiri. Sa
 yero tiquiro ihcãquiota ijiriquiro pecapũ waha-
 boriquinare masare peyequinare yũhdũore. ¹⁶ Sa
 yero Cohãcjũ masare tiquiro paja ihñañe Adán
 tiquiro yũhdũdũcari yero saha ijierare. Adán
 pehe ihcãquiota ijiriquiro ñañene tiquiro yeri
 buhiri ijipihtiyequina masa buhiri tiyequina ijire.
 Sa tiquina buhiri tiyequina ijiepegũta masa pa-
 jiro ñañene tiquina yepegũta yojopũre masare
 paja ihñano Cohãcjũ tiquina ñañene bore. Sa
 boro “Quehnoañequina ijire”, ni ihñare tiquiro
 tiquinare. ¹⁷ Adán ihcãquiota ijiriquiro ñañene
 ye dũcagũ ijipihtiyequina masa yariaducure. Ti
 poto tjire. Sa ijiepegũta ahri pehere bucuenata

mari. Yojoꝑure Cohãcjũ masare paja ihñano Jesucristo ihcãquirola ijiriꝑuiro tiꝑuiro yariari mehna tiꝑuina ñañene boro, tiꝑuinaŕe “Quehnoañequina ijire”, ni ihñare. Sa ye ijipihtiyeꝑuina tiꝑuiro sa ni ihñañequina yhmuseꝑu Cristo mehna ꝑuhtoa ijietta.

18 Ihcãquirola Adán ñañene ye ducagũ ijipihtiyeꝑuina ñañene ye ducahye. Tiꝑuina sa yegũ Cohãcjũ buhiri dahrerota tiꝑuinaŕe. Aꝑeꝑuiro Jesu pehe quehnoañene tiꝑuiro yegũ ijipihtiyeꝑuina tiꝑuina ñañene bonohriꝑuina iji masine. Ñañene tiꝑuiro bonohriꝑuina tiꝑuina ijigũ “Quehnoañequina ijire”, ni ihñanota tiꝑuinaŕe Cohãcjũ. Sa ye ijipihtiye decori tiꝑuiro mehna ijiducueta tiꝑuina. 19 Ihcãquirola Adán Cohãcjũre yuhduducahye. Tiꝑuiro sa yegũ peyeꝑuina masa ñano yeyeꝑuina iji ducahye. Sa yero aꝑeꝑuiro Jesu pehe Cohãcjũre yuhtiahye. Tiꝑuiro sa yegũ peyeꝑuina masa tiꝑuina ñañe yerire bonohriꝑuina wahahye. Tiꝑuina sa wahagũ “Quehnoañequina ijire”, ni ihñahye Cohãcjũ tiꝑuinaŕe.

20 Cohãcjũ dutiyere Moiserere cũahye ijipihtiyeꝑuina masa tiꝑuina ñañene tiꝑuina quehnoano masiatire. Sa ye masa tiꝑuina ñañene masiñe, ti yuhduro Cohãcjũ tiꝑuinaŕe tutuaro tiꝑuiro cahñene masieta. Tiꝑuiro marine cahĩ yuhdũare. 21 Tiꝑuina ñañene tiꝑuina yeri buhirire masa yariatiꝑuina ijire. Sa ye pecapũ wahaeta. Cohãcjũ mari Pacũ pehe masare cahĩ yuhdũare. Tiꝑuiro sa tutuaro cahĩgũ mari ꝑuhtoro Jesucristore tiꝑuiro ohogũ tiꝑuiro pehe masare quehnoañequina wahagũ yere. Sa ye tiꝑuinaŕe “Quehnoañequina ijire”,

Cohãcjũ tiquiro ni ihñagũ tiquina ijipihtiye decori tiquiro mehna sa ijiducueta.

6

Yariariquina m̃na tiquina ñañene yerariro saha Cristo yequina gũh̃ ñañene yeducuerare

¹ ¿Duhse yenatari mari yojopure, m̃sa t̃hotugũ? ¿Cohãcjũre marine cahĩ nemo duti duana ñañene ye nemoboagari mari? ² Ijierare. Ñañene yeracũhna mari. Yariariquina m̃na ñañene tiquina yerariro saha Cristo yequina ijina mari gũhare ñañene yeraro cahmene. ³ Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye duera. Sa yena duhuu. Tiquiro mari ñañe buhiri yariari jiri. ⁴ Sa yena Cristo pagure masa copep̃a tiquina ya cohãriro sahata mari ñañe yerire duhuaja. Sa yena mari Pac̃a tiquiro tutuaye mehna Cristo tiquiro masa m̃jariro saha mari gũh̃a tiquiro tutuaye mehna quehnoañe pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cã pagure tiquiro cohãriro saha mari gũh̃a yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa m̃jariro sahata mari gũh̃a quehnoana ijinata. Ti poto tjire. ⁶ Cristo yequina iji d̃cana tiquiro mehna yariariquina yero saha wahã pari turi mari ñañene yerato saha. Sa waharina ijina ñañene yeducu nemosi mari. Tire

mari masiaja. ⁷ Yariariquiro m̄nanop̄ ñañene ye nemoedare. ⁸ Cristo mehna yariariquina yero saha ijina, tiquiro masa m̄jariro sahata mari ḡh̄ quehnoana ijinata. “Ti poto tjire”, ni t̄hotuaja mari. ⁹ Cristo tiquiro yaria masa m̄jari bato ne pari turi yariasi. Apequiro tiquirore pari turi yariaḡ ye masiedare. Tire mari masiaja. ¹⁰ Sa yero Cristo ihc̄a taha yariaro, masa tiquina ñañe yerire coh̄no taro yariahye. Tiquiro catiriquiro ijiro mari Pac̄ tiquiro cahmeno sahata yeducua-tiquiro ijire tiquiro. ¹¹ Tiquiro yero sahata m̄sa ḡh̄ oh̄ saha ni t̄hotuya: “Yariariquina m̄na tiquina yeraro saha mari ḡh̄ ñañene yeraja. Jesu yequina ijina mari Pac̄ tiquiro cahmeno sahata yeana ja ijina niaja mari ḡh̄”, ni t̄hotuya m̄sa.

¹² Sa yena m̄sa yarianaja ijina ñañene yeducuerac̄h̄ña. Sa yena m̄sa ñañe ye duayere tutuaro cahmepenata tire sa t̄hotu c̄h̄ña. ¹³ Ñañene yerac̄h̄ña. Pecap̄ wahaborina Jesu tiquiro ȳhd̄onohrina ijire m̄sa. Tiquiro sa yenohrina ijina Coh̄cj̄ cahmeñe dihitarē yeya m̄sa. Sa yena quehnoañene yeya m̄sa. ¹⁴ Yojop̄re Coh̄cj̄ Moiserē tiquiro dutiye mehna marine dutierare. Coh̄cj̄ marine cah̄no tiquiro pehe marine dutire. Sa yena tiquiro yedohoro mehna ñañene ye duasi mari.

M̄sa ñañene yeducuḡ ti ñañe m̄sa p̄h̄toro yero saha ijire

¹⁵ ¿Ȳh̄ sa niḡ d̄h̄se ni t̄hotuajari m̄sa? ¿Coh̄cj̄ pehere ȳhtianaja ijina Moiserē tiquiro

dutiyere yũhtianaja ijierana, ñañene yeducuboa-
 gari mari? Ijierare. Yeducusi. ¹⁶ ¿Ahrire masieda-
 jari m̄sa? M̄sa quehnoano yũhtiriqiro m̄sa
 pũhtoro ijire. Sa yena tiqiro cahacjãna ijire
 m̄sa. M̄sa sa yũhti m̄sa pũhtoro tiro sa-
 hata ñañene yeducuna m̄sa ijigũ ti ñañe m̄sa
 pũhtoro yero saha ijire. Sa yena ñañene duhu
 masiedare m̄sa. Sa yena ijina pecapũ wahanaja
 ijire m̄sa. Cohãcjũre quehnoano ño peona ijina
 tiqiro cahacjãna ijire m̄sa. Sa yena tiqiro
 yequina quehnoana ijire m̄sa. ¿Tire masieda-
 jari m̄sa? ¹⁷ Panopũ ñañene yeducuna m̄sa
 ijigũ ti ñañe m̄sa pũhtoro yero saha ijimedi. Yo-
 jopũ pehere quehnoañe buheyere tũhona Jesure
 wacũ tutuana Cohãcjũre quehnoano ño peona
 wahari m̄sa. Tire masigũ “Quehnoare”, niaja
 Cohãcjũre. ¹⁸ Sa wahana yojopũre ñañe ti dutiro
 saha yerare m̄sa. Sa yena Cohãcjũ cahacjãna
 ijina quehnoañe pehere yere m̄sa. ¹⁹ Cahacjẽna
 pũhtoare tiquina quehnoano ño peoyere masi pe-
 hore m̄sa. Sa yegũ ti m̄sa masidi mehna queoye
 mehna buhei m̄sare “Ahri buheyere m̄sa esa
 tuharo tũhoeraboaga”, nigũ. Panopũ ñañene yedu-
 cuna ijimedi m̄sa. M̄sa sa yeducuriro sahata
 yojopũ pehere quehnoañene yeducuna ijiya m̄sa.
 Sa yena Cohãcjũ cahmeñe dihitare yenata m̄sa.

²⁰ Panopũ ñañe dihitare yerina ijina, quehnoañe
 pehere yera tiri m̄sa. ²¹ ¿Ti p̄jepũre ñañe dihitare
 yena yabere wapatarı m̄sa? Tı m̄sa ñañe yerire
 wacũna yojopũre bue tiaga m̄sa. Tı ñañene m̄sa
 yeri buhiri pecapũ wahaboaya m̄sa. Sa yena
 ñañene yena ne wapataerare m̄sa. ²² Yojopũ
 pehere m̄sa ñañe yerire duhuna Cohãcjũ ca-

hacjãna wahari m̄sa. Sa yena Cohãcjũ cahmeñe dihitare yena ijinata. Sa yena ijipihtiye decori Cohãcjũ mehna ijinata. ²³ Ñañene mari yeri buhiri pecar̄ wahanaja ijiaja ijipihitina mari. Mari sa ijiepegũta mari p̄h̄toro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

7

Cohãcjũ Moisere tiquiro ohoi dutiyere yahu nemoahye Pablo

¹ Ȳh̄h̄ acaye, Cohãcjũ Moisere tiquiro dutirire quehnoano masine m̄sa. Mas̄no tiquiro catinigũ ti dutiyere ȳhd̄d̄ca dutierare. Tiquiro yariari bato p̄ritare ti dutiyere yero basioerare. Ti gũh̄re masine m̄sa. ² Ohõ saha ijire: Numinore ticoro man̄no mehna dihita iji dutire Cohãcjũ Moisere tiquiro dutiri pehe. Tiquiro sa dutiepegũta ticoro man̄no yariari bato ticoro pehe apequirore man̄ ti masine. Ticoro ti dutiro mehna iji nemoedare. Ohõ saha ni yahure ti dutiye. ³ Sa yero ticoro man̄no tiquiro catiepegũta ticoro apequirore man̄ tiro, ñano yero nine ticoro. Sa ijieperota ticoro man̄no yariari batop̄ apequirore man̄ tiro, Cohãcjũ dutiyere ȳhd̄d̄caerare ticoro sa yericoro. Sa yero ñano yericoro ijierare ticoro.

⁴ M̄sa gũh̄ ȳh̄h̄ acaye Jesu yequina wahana, dutiyere m̄sa yeri wapa tiquiro yequina wa-haerare m̄sa. Sa yena yariariquina m̄na dutiye mehna tiquina ijieraro saha m̄sa gũh̄ ti dutiye mehna ijierare. M̄sa Cristo ya curua

cjãna ijire. Sa yena yojopure tiquiro yequina ijire m̄sa. Tiquiro pehe yariari bato masa m̄jari jiri Cohãcjũ cahmeno saha mari yeatire. ⁵ Panop̄m ñañene mari esa tuharo yee timi. Sa yena Cohãcjũ Moiserere tiquiro dutirire mari masidi bato ti dutiyere ȳhd̄d̄ca duami. Ti dutiye mariedagũ ȳhd̄d̄ca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecap̄m wahaborinata ijie timi. ⁶ Sa wahaborina ijiepenata Cristo yequina ijina yojopure ti dutiye mehna ijieraja mari. Sa yero Esp̄ritu Santo mari mehna ijiriquiro marine quehnoañe pehere comesagũ yere. Tiquiro sa yegũ panop̄m cjẽ dutiye tiquiro ojoari ti mehna ijieraja mari yojopure.

Tiquiro ñañe yerire yahuahye Pablo

⁷ ¿Sa yena Cohãcjũ Moiserere tiquiro dutirire d̄hse niboagari mari? ¿Ti dutiye ñañe ijiagari, m̄sa t̄hotugũ? Ijierare. Ti dutiye mehna ñañene masii. Sa yeḡm ti dutiye mariedagũ ñañene masiedaboya ȳh̄m. Ti dutiye ohõ saha ijire. “Apequina yer̄mre tutuaro cahmedacãhña”, niahye ti dutiye. Sa niedagũ apequina yer̄mre tutuaro cahmeñe ti ñañe ijigũ masiedaboya ȳh̄m. ⁸ Sa yeḡm ti dutiyere ȳh̄m masidi bato apequina yer̄mre tutuaro cahmee timi ȳh̄m. Ti dutiyere masiedaḡm apequina yer̄mre tutuaro ȳh̄m cahmeñe ti ñañe ijigũ masiedaboya ȳh̄m. ⁹ Ti dutiyere ȳh̄m quehnoano masiato pano sa t̄hotu c̄h̄m. Sa yeḡm ti dutiyere ȳh̄m masidi bato tutuaro ñañene ye duami. Sa yeḡm pecap̄m ȳh̄m wahatire masie tii. ¹⁰ Sa ye Cohãcjũ dutiyere ȳhd̄d̄caeraye, masa

tiqiro mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yũhũ yũhdũdũcari buhiri yũhũre pecarũ waha dutimedi. ¹¹ Sa yegũ ñañene yegũ Cohãcjũ Moiserere tiqiro dutiyere yũhdũdũca duami. Ñañene tutuaro cahmegũ yũhũ ijigũ quehnoañene masiedũ. Ti ñañe pehe yũhũre dojomehnedi. Sa yegũ quehnoano masiedũ. Sa masiedagũ Cohãcjũ dutiyere yũhdũdũcaũ. Sa yegũ ti dutiyere yũhũ masidi bato yũhũ ñañe buhirire pecarũ yũhũ wahaborirore masii. Ti dutiye mehna sa masii.

¹² Sa ye Moiserere tiqiro cũri dutiye quehnoañe ijire. Sa ye queoro ijirota nine ti dutiye. ¹³ ¿Sa ijieperota marine ti quehnoañe dutiye pehe pecarũ wahagũ yeajari? Ijierare. Topũ wahagũ yerare. Mari ñañe yeye pehe marine pecarũ wahagũ yere. Ti dutiyere mari masidi bato ti dutiyere yũhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecarũ wahati gũhũre masiaja mari. Sa yena ti dutiyere masina mari yũhdũdũcarire ti ña yũhdũaye ijigũ masiaja mari.

¹⁴ Moiserere tiqiro dutiri Cohãcjũ pehe tiqiro cũri ti ijigũ masiaja mari. Yũhũ pehe apequina yero saha ñagũ ijiaja. Sa yegũ ñañene yeducugũ ijiaja. ¹⁵ Sa yeducugũ ijiepegũta yũhũ yerire ne masiedũ yũhũ. Yũhũ cahmeno saha yeraja yũhũ. Sa yegũ yũhũ tutuaro ye dueramedireta yeaga yũhũ. Sa yegũ yũhũ yerire ne masiedaga yũhũ. ¹⁶ Sa yegũ ñañene ye duerapegũta ñañene yeaja yũhũ. Tire yegũ Cohãcjũ dutiye quehnoañe ijigũ masiaja yũhũ. ¹⁷ Sa yegũ yũhũ waro ti ñañene

yojopure yeraja. Yuhu tūhotuyepu ijiye ñaṇe ti pehe yuhure ñaṇene yegū yere. ¹⁸ Quehnoañene tutuaro ye duepeguta ne cūedaga. Ñaṇe pehe yuhure dojomehne mujare. Ahri yehpa cǰū yuhu ijigū yuhu tūhotuyepu ñaṇe dihita ijire. Ne quehnoañe mariedabutiare. ¹⁹ Quehnoañe yuhu ye duaye pehere ne yeraja yuhu. Yuhu ñaṇene yuhu ye dueye pehere yeaja. ²⁰ Sa yegu yuhu ye dueyere yegu yojopure yuhu waro tire yeraja. Yuhu tūhotuyepu ijiye ñaṇe ti pehe yuhure ñaṇene yegū yere.

²¹ Sa yero yuhure ohō saha wahare: Quehnoañene yuhu ye duepeguta yuhu tūhotuyepu ñaṇe ijire. Sa yegu quehnoañe pehere yeraja. ²² Cohācǰū Moiseri tiquiro dutirire yuhu tūhotuye mehna tutuaro cahmeaja. ²³ Sa yegu yuhu ahrire masiaja: Yuhu tūhotuye mehna quehnoañene ye duaja. Sa ye duepeguta yuhu basi ñaṇene tutuaro ye duaja. Sa yegu yuhu esa tuharo ñaṇene duhu masiedaga yuhu.

²⁴ Sa ñaṇene duhu masiedagu pejecuogū iji-aja yuhu. Ñaṇene yegu pecapu wahaguta yuhu. Yohnah. ¿Yuhu ñaṇene yuhure pecapu waha dutiye ñaṇene noa yuhure cohā basaboagari? ²⁵ Jesucristore yuhu wacū tutuagū tiquirota yuhu ñaṇene cohānota. Tiquiro sa yegū Cohācǰure “Quehnoare”, niaja yuhu. Sa yegu yojopure yuhu basi yuhu tūhotuye mehna Cohācǰū dutiyere yeaja. Sa yegu ijiepeguta yuhu esa tuharo ijigū ñaṇe pehe yuhure ñaṇene yegū yere.

8

Espíritu Santore cūoyequina tiquina ijiye tiyere

yahuahye Pablo

¹ Yojoꝑure Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espíritu Santo tiquiro dutiro saha yeducure tiquina.] ² Sa yero Jesucristo yaquiro yahu ijigũ Espíritu Santo ñañene duhugũ yere yahure. Sa yero Espíritu Santo ijipihitiye decori Cohãcjũ mehna ijigũ yere yahure. Ñañene yahure duhugũ yero yahure pecapũ wahaaborigũre yuhdũore tiquiro. ³ Cohãcjũ Moiserere tiquiro dutirire mari esa tuharo ne ye pehosi. Sa ye pehoerana yuhdũdũcana ijiaja mari. Sa yena mari ijigũ Cohãcjũ marine yuhdũoeranidi. Mari sa ijina ijepegũta ohõ saha Cohãcjũ marine yuhdũorota. Tiquiro mari ñañe buhirire yariatiquirore, ti ñañene cohãtiquirore tiquiro macũnore ohoahye. Sa yero tiquiro macũno mari yero sahata pagũ tiahye. Sa yero mari tũhotuyepũ ijiye ñañene tiquiro cohãri. ⁴ Marine sata yeri Cohãcjũ dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espíritu Santo yedohoye mehna tiquiro dutiro sahata yeaja mari.

⁵ Ñañene ye duayequina, ti dihitare tutuaro cahmene. Espíritu Santo dutiro sahata yeducuyequina pehe ti dihitare ye duare tiquina. ⁶ Ñañene ye duayequina ti dihitare tutuaro cahmeñe, pecapũ wahaeta. Espíritu Santo cahmeno sahata tutuaro ye duayequina pehe ijipihitiye decori Cohãcjũ mehna ijieta. Sa ye tiquina quehnoano iji cãeta. ⁷ Tiquina esa tuharo yeyequina Cohãcjũre ihña tuhtire. Tiquina Cohãcjũ

dutiyere ne yuhtierare. Tiquiro dutiyere yuhti duerare. Yuhti masiedare tiquina. ⁸ Sa ye tiquina esa tuharo yeyequina Cohãcjũre bucuẽgũ ye masiedare.

⁹ Mũsa pehe mũsa esa tuharo yerare. Espĩritu Santo mũsa mehna ijigũ tiquiro cahmeno sahata yere mũsa. Sa ye Espĩritu Santore cuoyequina pehe Cristo yequina ijierare. ¹⁰ Mũsa pehe tiquiro yequina ijire. Mũsa ñaÑe buhirita mũsa paguri yariare. Sa mũsa paguri yarianaja ijiepenata Cristo mũsa mehna tiquiro ijigũ tiquiro mehna sa ijiducunata mũsa. Cohãcjũ mũsare “Quehnoana ijire”, tiquiro ni ihñagũ mũsa tiquiro mehna sa ijiducunata. ¹¹ Cohãcjũta Jesure masori jiri. Sa masoriquiro ijiro Espĩritu Santo mari mehna tiquiro ijiducugũ mari yariari bato Cohãcjũ mari gũhũre masonota. Sa masono mari pagurire yariati pagurire catigũ yerota marine.

¹² Yuhũ acaye, tiquiro sa yegũ ihñana ñaÑe mari tutuaro cahmedire yeracũhna. ¹³ Mari ñaÑene yerina ijina, pecapũ wahaborina iji cãnata ni-aja. Espĩritu Santo yedohoye mehna ñaÑe yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espĩritu Santore yuhtiyequina Cohãcjũ pohne ijire. ¹⁵ Espĩritu Santo mari mehna tiquiro iji dũcagũta Cohãcjũ pohna iji dũcaũ. Sa yena tutuaro mehna tiquiro dutinohrina ijier-aja mari. Sa yena panopũ mari cueriro saha yojopũ pehere mari cueraja. Tiquiro pohna ijina, Espĩritu Santo yedohoye mehna yojopũre “Yuhũ Pacũ”, niaja mari Cohãcjũre. ¹⁶ Sa yero

Espíritu Santo mari wacũñepu marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. ¹⁷ Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe cœonata. Jesucristo mehna mari cœonata tire. Cristo yere mari yeri buhiri ñano yũhdurina ijina mari tiquiro mehna uhmũsepu quehnoano bucueye mehna iji cãnata. Sa yena Cohãcjũ tiquiro pohnene “Ohoutja”, tiquiro nidire cœonata mari.

¹⁸ Yojoꝑure ahri yehrapu ñano yũhdurĩaja mari. Camerũre mari uhmũsepu quehnoano iji cãnata. Sa yena yojoꝑure ñano yũhduna, pajiro bujua witi wacũ tũhotueracũhna. Ahri mari ñano yũhduri sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare.

¹⁹ Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. ²⁰ Ijipihtiroꝑure tiquiro bajumehnedi quehnoano ijiborire dojomehneahye masũno ñano ye dũcaro. Ti esa tuharo sa wahaerahye. Ñaũe iji dũcari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutiniahye. Came tiquiro bajumehnedire quehnoañe wahagũ yerota tiquiro. ²¹ Sa yero Cohãcjũ tiquiro bajumehnedire ahba pihtiborire quehnoañe wahagũ yerota tja. Cohãcjũ pohnene quehnoañequina tiquiro wahagũ yeriro sahata, tiquinare quehnoano tiquiro yũhduroro sahata quehnoañe wahagũ yerota Cohãcjũ tiquiro bajumehnedire. ²² Ijipihtiyere Cohãcjũ tiquiro

bajumehnedi ñano ti iji ducari bato ñano yuhduetiahye. Numino niji wahcõno ticoro ñano yuhduero sahata tiquiro bajumehnedi gũhũ decoriye ñano yuhdueducure. Tire mari masiaja. ²³ Mari pehe Espíritu Santore cõona ijiaja. Tiquiro yequina mari wahagũ Cohãcjũ tiquiro yaquiro Espíritu Santore duita ohori marine. Tiquiro bajumehnedi yero sahata mari gũhũ ñano yuhduaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhare tutuaro cohteaja mari. Wahma pagure marine tiquiro ohoati gũhare cohteaja. ²⁴ Mari sa cohtena ijigũ, tiquirota marine pecapũ wahaborinare yuhduore. Tiquiro cahapũ ijirina ijina tiquiro cahapure mari wahatire cohteraboya mari. Marine tiquiro yuhduo tuhasari bato ijigũ tire cohte nemoedaboya. ²⁵ Sa yena tiquiro ohoatire ihñedapenata Cohãcjũ marine tiquiro yuhduoatire cohtena, sa cohteducuaja.

²⁶ Sa yena Cohãcjũre wacũ tutuera cjũna tiquiro cahmeñene quehnoano masiena mari ijigũ Espíritu Santo marine yedohore. Cohãcjũre mari quehnoano sini masiedaja. Espíritu Santo pehe marine Cohãcjũre tutuaro sini basare. Marine tutuaro paja ihñano marine tiquiro Cohãcjũre tutuaro sini basare. ²⁷ Cohãcjũ cahmeno sahata marine Jesu yequinare sini basare Espíritu Santo. Tiquiro sa sini basagũ Cohãcjũ mari tũhotuyere masi pehoriquiro ijiro, Espíritu Santo tiquiro sini basarire masine.

Cristo tiquiro tutuaye mehna ñaño yeyere

yuhducanata mari

²⁸ Ahrire yuhuh yahuatire masiaja mari: Ijipihtina Jesure cahña mari ijigũ tiquiro cahmeñene yeanajare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yuhdupenata ñano yuhduducu dojoeraja. Cohãcjũ tiquiro yedohoro mehna quehnoano ijinata mari. ²⁹ Cohãcjũ marine tiquiro yequinare duitaputa masi tuhasahye. Sa masino tiquiro macuno Jesu tiquiro ijiro sahata marine iji dutiro, marine quehnoañe pehere comesa duti tuhasahye. Tiquiro macuno yero saha marine iji dutiahye tiquiro peyequina masa tiquiro macunore mari wahmi tiatire. ³⁰ Panopuh tiquiro yequina tiquiro iji dutirina mari ijigũ, tiquiro pohna mari ijiatina gũhare beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna uhmusepuh quehnoano ijigũ yerota marine Cohãcjũ.

³¹ Tire masina ohõ saha tuhoutuaja mari: Cohãcjũ marine tiquiro cahñonare ne apequina ihña tuhtiyē cüedare. ³² Cohãcjũ mari ye buhirire yariatiquirore tiquiro macunore ohoahye. “Yuhuh macure cahñaja. Sa yeguh tiquirore ohoeraja”, niedahye tiquiro. Marine sa tutuaro yedohoriquiro ijiro, ijipihtiyē mari cahmeñe duhsarire marine oho pehorota. ³³ Cohãcjũ beserina mari ijigũ, tiquiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare.

34 Cristo mari ye buhirire yaria masa wijiahye. Sa yero Cohãcjũ poto peheru yojopure tiquiro ijire dutiriquiro ijiro. Sa yero tiquiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare.

35 Cristo marine tiquiro tutuaro cahĩgũ apequina tiquirore “Cahĩedacãhña”, ne ni masiedare. Cahĩ duhusi tiquiro. Mari ñano yãhduepegũta, mari cuepegũta, apequina marine tiquina ñano yepegũta, mari ujuã ahbaepegũta, suhti mariena mari ijiepegũta, cuaropu mari ijiepegũta, marine tiquina wejẽpegũta Cristo marine sa cahĩducurota.

36 Cohãcjũ yere tiquina ojoari pũpu mari sa wahatire yahuro, ohõ saha nine:

Mũu yequina usã ijiri buhiri apequina usãre sa wejẽ duaducure. Oveja tiquina wejõatiquina tiquina ijiriro saha usã gũhure sa wahare, ni ojoahye Cohãcjũ yere tiquina ojoari pũpu.

37 Sa yena mari ñano yãhduepenata Cristo marine cahĩniquiro tiquiro yedohoro mehna tutuaro mehna ñañene duhu pehonata mari.

38-39 Jesucristo yequina mari ijigũ ihñano Cohãcjũ pehe marine tutuaro cahĩne. Sa yero tiquiro marine ne cahĩ duhusi. Mari yariagũ gũhure, mari catigũ gũhure, yojopure, cameru gũhure, tiquiro marine cahĩ duhusi. Sa ye angele, watĩa puhtoã, ahri yehpa cjẽna puhtoã, uhmuse cjẽna, ñañequina bajueyequina gũhũ Cohãcjũre “Mũu yequinare cahĩedacãhña”, tiquina niepegũta marine ne cahĩ duhusi Cohãcjũ. Cohãcjũ tiquiro bajumehnedi mehna marine ne cahĩ duhugũ yeye mariedare. Marine ne tiquiro cahĩ duhusi.

9

Israe masa Cohãcjũ beseriquina ijire

1-2 Yũhũ acaye Israe masare wacũgũ, tutuaro bujũa witiaja yũhũ. Cristore cahmedare tiquina. Sa yegũ ñano bujũa witi jeripohna tiaja yũhũ. Ti yũhũ sa ni yahuye ijirota ijire. Yũhũ Cristo yaquirola ijiaja. Sa yegũ masare potota niaja. Sa yegũ Espiritu Santo yũhũ mehna tiquiro ijigũ yojopure yũhũ acayere yũhũ ni yahuye ti potota ijigũ quehnoano masiaja yũhũ. Tiquiro tire yũhũre quehnoano masigũ yere. ³ Israe masa yũhũ acaye ya maca cjẽna pecarũ wahaeta. Cohãcjũre tiquinare yũhdũo dutigũ ohõ saha niboã yũhũ pehe: “Tiquina ye buhirire yũhũ pehe pecarũ wahaũtja. Sa yero tiquina ye buhirire yũhũ pehere buhiri dahreahro Cristo”, niboã yũhũ. ⁴ Tiquina yũhũ acaye Israe mũnãno panamena iji turiayequina ijire. Sa yero Cohãcjũ pohne ijiatiquinare cũahye Cohãcjũ tiquinare. Sa yero Cohãcjũ tiquiro asi siteye mehna tiquina watoã ijie tiahye. Sa yero tiquina ijipihtiyequinare tiquiro masare tiquiro yũhdũoatire yahue tiahye tiquinare. Sa yero Moiserẽ tiquiro dutirire duitã cũ mũhtahye Israe masare. Sa ye Cohãcjũre ño peoati wũhũre ye mũhtae tiahye tiquina. Sa yero tiquinare tiquiro quehnoano yeatire yahue tiahye Cohãcjũ. ⁵ Usã ye cururi waro doce cururi waro ijire. Sa yena usã ñecũsumũã iji mũhtariquina mũnarũ tiquina panamena iji turianarũ ijiaja usã Israe masa. Sa yero mari yero saha pagũ tiriquire ahtarõ, usã acayũro Israe masũno warõ ijire Cristo. Tiquiro Cohãcjũta ijire. Sa yero tiquiro

ijipihtiyequina p̄h̄toro ijire. Ijipihtiyē decori tiquiŕore quehnoano ño peouhna mari. Sa ño peoducuuhna.

⁶ Apequina Israe m̄n̄n̄ano panamena iji turiayequina ijiepet̄a Coh̄ãcjũ yequina waro ijierare. Sa yena tiquina tiquiŕo yequina ijieragũ ihñana oh̄o saha ni t̄hotuboa m̄sa: “Israe masare yeequina ijigũ yeitja”, nieperota ihquẽquinare Coh̄ãcjũ tiquiŕo nidiŕo sahata yerare”, ni t̄hotuboa m̄sa. Sa ni t̄hotueracãhña.

⁷ Oh̄o saha ijire: Apequina Israe masa Abrahã panamena iji turiayequina tiquina ijiepegãta “Abrahã panamena iji turiayequina waro ijire”, ni ihñedare Coh̄ãcjũ tiquinare. Sa yero oh̄o saha niahye Coh̄ãcjũ: “M̄h̄u mac̄u Isaac panamena iji turiayequina tiquina pũrita potota m̄h̄u panamena iji turiayequina waro ijiet̄a”, niahye Coh̄ãcjũ Abrahãre. ⁸ Tiquiŕo sa ni yahugũ ahrire masinata mari: Abrahã panamena tiquina masa bajuari bato duita Coh̄ãcjũ pohne waharĩedaga tiquina. Coh̄ãcjũ tiquiŕo ni cũrire quehnoano t̄hoyequina tiquiŕore wacũ tutuayequina pehe tiquinata ijiaga Coh̄ãcjũ pohne. Sa ye tiquinata ijire Abrahã panamena iji turiayequina waro.

⁹ Oh̄o saha niahye Coh̄ãcjũ Abrahãre: “Ape c̄hma ahri pje borota ȳh̄u majare tojoa tagũ m̄h̄u namono Sara nijinogãre c̄orota m̄h̄u mac̄re”, niahye Coh̄ãcjũ Abrahãre. Sa nino Coh̄ãcjũ Abrahã mac̄no tiquiŕo masa bajuatire yahuyuro niahye.

¹⁰ Came Isaac namono Rebeca wame tiricoro duita p̄aro pohna tiahye. Tiquina pac̄ro Isaac usã ñec̄u m̄n̄n̄ano iji turiariquiŕo ijiahye. ¹¹⁻¹² Sa ye tiquina pohne tiquina masa bajuato pano

quehnoañene, ñañe gũhure tiquina yeato pano Cohãcjũ tiquina pacoro ijiaticorore ohõ saha nie tiahye: “Tiquiro bahuro pehe tiquiro wahminore dutirota. Sa yero tiquiro pũtoro ijirota”, nie tiahye ticorore. Cohãcjũ tiquiro cahmeno sahata besere tiquiro. Sa beseriquiro ijiro ihcãquirogãre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. ¹³ Sata ni ojoahye tiquiro yere tiquina ojoari pũpũ: “ ‘Jacob pehere cahñe tii. Sa yegũ Esau pehere cahñeda tii’, niahye Cohãcjũ”, ni ojoahye panopũ.

¹⁴ ¿Tire wacũna dahse ni tũhotuboari mari? ¿Tiquina yeyere ihñedaperota ihcãquirore sa besero Cohãcjũ queoro yeraboari, mũsa tũhotugũ? Ijierare. ¹⁵ Ohõ saha nie tiahye Cohãcjũ Moiserere: “Yũhũ cahmediquiro dihitare paja ihñatja”, niahye tiquiro Moiserere. Sa yero ihcãquirore sa besero potota yero niahye Cohãcjũ. ¹⁶ Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gũhure marine paja ihñedare tiquiro. Tiquiro esa tuharo tiquiro cahmeñequina pehere paja ihñare. ¹⁷ Sa yero sata tiquiro esa tuharo yeahye Egipto cjẽna pũtoro gũhure. Ohõ saha niahye Cohãcjũ tiquirore faraõre: “Egipto cjẽna pũhto ijiacjũre cũgũ nii mũhure yũhũ tutuayere ijipihtiyequinare yũhũ ihñõatire. Sa yegũ ijipihtiye yehpari cjẽna yũhure tiquina masiatire pũhto sõu nii yũhũ mũhure”, niahye Cohãcjũ tiquirore. Ohõ sahata nine Cohãcjũ yere tiquina ojoari pũpũ. ¹⁸ Sa yero tiquiro cahmeñequinare tiquiro esa tuharo paja ihñare tiquiro.

Sa yero tiquiro esa tuharo apequinare y^htierag^ũ yere tiquiro. Sa yero Coh^ãcj^ũ tiquiro cahmediro sahata yere.

¹⁹ Tiquiro sa yeriquiro ijig^ũ ih^ñana y^hh^u pehere oh^õ saha niboaga m^usa: “Coh^ãcj^ũ marine tiquiro cahmediro sahata tiquiro yeg^ũ mari pehe tiquirore y^hd^hd^uca masisi. ¿Mari sa y^hd^hd^uca masiedapeg^ũta d^hhse ijiro boro marine buhiri dahre duajari tiquiro?” ni pihop^ũri sinituboaga m^usa y^hh^ure. ²⁰ Oh^õ saha ni y^htiaja m^usare: “¿Masa ihyo ijina ijiepenata Coh^ãcj^ũre tuhtiajari m^usa? Dihi sutu dahreriquirore ¿D^hhseg^u y^hh^ure oh^õ saha ijiri sutu yeri m^hh^u?” ti sutu ni sinituboriro saha nina niaga m^usa Coh^ãcj^ũre. Sa ni masiedare m^usa. ²¹ Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi y^hb^u mehnata ihyo ijiyere pose yeati sutu g^ũh^ure ye masine tiquiro. Tiquiro yero saha Coh^ãcj^ũ g^ũh^u tiquiro ye duaro sahata yere.

²² Sa yero Coh^ãcj^ũ pecap^u tiquiro coh^ãtiquinare tiquina ñañe yerire tiquiro ih^ña usuario tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ih^ña c^ãr^ãh^uye, ijipihtiyequinare tiquiro buhiri dahreatire, tiquiro tutuayere ih^ñono taro. ²³ Sata yeahye Coh^ãcj^ũ tiquiro quehnoa butiariquiro tiquiro ijiyere, tiquiro tutuaye g^ũh^ure mari masiatire. Panop^u marine tiquiro paja ih^ñanohanajare tiquiro beseahye, ijipihtiyequiro tutuayere tiquiro quehnoañene mari c^uoatire. ²⁴ Sa yena mari pehe tiquiro beserina ijinata niaja. Sa ye tiquiro beseriquina pehe ihqu^ẽquina

judio masa dihita ijierare. Ihquẽquina judio masa ijieyequina gũhũ ijire tiquiro beseriquina. ²⁵ Sata nine judio masa ijieyequinare Cohãcjũ yere Osea m̃ñano tiquiro ojoariro sahata:

Yeequina ijieyequina gũhare camerũ tiquinare “Yeequina ijire”, niitja. Sa yegũ yũhũ cahĩñequina gũhare camerũ tiquinare “Yũhũ cahĩna ijire m̃sa”, niitja, niahye Cohãcjũ. ²⁶ “Yeequina ijierare m̃sa”, Cohãcjũ tiquiro nimedi yehpari cjẽna tiquina Cohãcjũ catiriquiro pohmeta ijietã, ni ojoahye Osea panopũ.

²⁷ Sa yero panopũ cjũno Isaia m̃ñano Israe masare ohõ saha ni yahuahye: “Pajiri ma cjẽ padũ pjerigãre mari queona cũedaja. Israe masa ti padũ pjerigã yero saha ijiyequina peyequina ijiepegũta meheñequinagã Cohãcjũ yũhdũorota tiquinare. ²⁸ Cohãcjũ ahri yehpa cjẽnare peyequina masare sojaro mehna potota buhiri dahre madoqueorota”, niahye Isaia. ²⁹ Sa yero pari turita ohõ saha ni ojoahye Isaia:

Mari pũhoro ijipihtiyequina pũhoro meheñequinagã mari mehna cjẽnare yũhdũoeraro, marine judio masare ijipihtinare butigũ yeboya tiquiro. Sodoma cjẽnare, Gomorra cjẽna gũhare tiquiro butigũ yeriro sahata mari gũhare butigũ yeboya tiquiro, ni ojoahye Isaia yũhũ acaye Israe masare tiquiro yeato panopũ.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña m̃sa: Judio masa ijieyequina Cohãcjũre macaedapeta

tiqirore bocare. Jesucristore tiquina wacũ tutuagũ, “Quehnoañequina ijire”, ni ihñari tiquinare Cohãcjũ. ³¹ “Cohãcjũ dutiyere mari yegũ tiqiro marine yuhduorota”, niñe judio masa pehe Cohãcjũ Moiserere tiqiro dutiyere yepeta, cũedari. Sa yero ti dutiyere tiquina yepegãta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cũedari. ³² Ohõ saha ye, tiquina cũedari: Tiquina Cohãcjũre wacũ tutuaro marieno tiquina esa tuharo Moiserere tiqiro dutirire ye duamedi, tiqiro yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãpũ doque wahã sa bora quehero, tiqiro esaborirore ne eserare. (Tiqiro yero saha tiquina Cristore utã yero saha ijiriquirore cahmeeñequina Cohãcjũ cahapũ ne esasi.) ³³ Sata ni ojoahye Cohãcjũ yere tiquina ojoari pũpũ:

Jerusalẽ wame tiri macapũ utã yero saha ijiriquirore cũgũ niaja. Mari queoye mehna buhegũ ohõ saha ijire: Omaperiquiro utãpũ doque wahã sa bora quehero tiqiro esaborirore eserare. (Tiqiro yero saha ti maca cjẽna utã yero saha ijiriquirore tiquina cahmedari buhiri Cohãcjũ cahapũ ne esasi. Tiqiro pehe tiquinare topũre waha dutisi.) Sa ye tiqirore wacũ tutuayequina pehe quehnoano bucueeta, ni ojoahye.

10

¹ Yuhũ acaye, Israe masare pecapũ wahaboriquinare Cohãcjũ tiqiro yuhduoatire,

tutuario y_h jeripohna mehna cahmesāja y_h. Sa yeg_h Cohācjū tiquinare tiquiro y_hoatire sini basaja y_h. ² Potota tiquina Cohācjū cahmeñene ye duamene. Sa ye duepeta tiquiro cahmeñene masiedare. ³ Sa ye tiquinare Cohācjū tiquiro quehnoañequina wahagū yeborire tiquina masiedare. Sa masiedaye tiquina esa tuharo quehnoañene yepeta, cūedari. Tiquina sa yegū Cohācjū tiquiro wacū tutua dutiriro sahata tiquina yeragū ihñano, tiquiro pehe tiquinare “Quehnoañequina ijire”, ni ihñedari. ⁴ Ijipihtiyequinare Cristore wacū tutuayequinare “Quehnoañequina ijire”, ni ihñare Cohācjū. Sa yena dutiye yeye mehna y_h witieraja mari. Cristo mehna y_haja.

⁵ Moise m_hnano panop_h cjūno ohō saha ni ojoahye: “Cohācjū dutirire mari duhuro marieno ye pehogū Cohācjū y_horota marine”, ni ojoahye tiquiro. ⁶⁻⁷ Tiquiro sa ni ojoaepegūta yojop_hre masa Cristore tiquina wacū tutuagū Cohācjū tiquinare “Quehnoañequina ijire”, ni ihñare. Ti buheye quehnoañequina wahagū yeri buheye ohō saha ni yahure: Cristo tiquiro basi ahri yehp_h wihī tuhasari jiri. Sa yero masa m_hja tuhasari jiri. Sa yena ohō saha ni t_hhotueracāhña m_ha: “¿Diquiro pehe _hm_hsep_h Cristore ne cāhta basaro wahaboagari marine tiquiro y_hoato saha? ¿Diquiro pehe yariariquina cahap_h Cristore maso basaro ne cāhtaboagari? Tiquirore ne cāhtaboriquiro mariedare”, ni t_hhotueracāhña m_ha. ⁸ Sa yero ohō saha ni yahure Cohācjū yere tiquina ojoari p_h: “Cohācjū ye buheyere mari

macagũ ti buheye ohõpũ ijire. Ti buheyere masi tuhasare m̄sa. Sa yena ti buheyereta yahuducue tire m̄sa”, ni ojoahye. Ti buheyere Cristore wacũ tutuaye buheyere masare yahuaja usã. ⁹ Ti buheye ohõ saha ni yahure: “Jesu mari p̄htoro ijire”, ni mari yahugũ, “Cohãcjũ Jesure yariariquiore potota masori”, ni mari t̄hotugũ, Cohãcjũ marine pecapũ wahaborinare ȳhd̄orota. ¹⁰ Jesure mari wacũ tutuagũ Cohãcjũ pehe marine “Quehnoana ijire”, ni ihñanota. Sa yero Jesure mari wacũ tutuayere apequinare mari yahugũ tiquiore marine pecapũ wahaborinare ȳhd̄orota.

¹¹ Ohõ saha nine Cohãcjũ yere tiquina ojoari p̄pũ: “Cohãcjũre wacũ tutuayequina tiquiore tiquina wacũ tutuarire ne b̄j̄na witisì”, niahye Cohãcjũ yere tiquina ojoari p̄pũ. ¹² Judio masare, judio masa ijieyequina ḡh̄re Cohãcjũ ihcãno saha yedohore. Mari p̄htoro ijipihtiyequina p̄htoro ijire tiquiore. Sa yero ijipihtiyequinare tiquiore siniñequinare quehnoano pajiro ohorota tiquiore. ¹³ Ohõ saha ni ojoahye panopũre: “ ‘Ȳh̄ ñañene cohãña. Sa yegũ ȳh̄re ȳhd̄oya’, ni mari p̄htorore masa tiquina sinigũ tiquinare pecapũ wahaboriquinare mari p̄htoro ȳhd̄orota”, ni ojoahye Cohãcjũ yere. ¹⁴ Sa ye masa Cristore wacũ tutueraye tiquiore sini masiedare tiquina. Sa ye tiquiore buheyere t̄hoeraye, tiquiore wacũ tutua masiedare. Sa ye tiquiore buheyere yahuriquiore mariedagũ tire tiquina ne masisi. ¹⁵ Sa ye tiquiore ye buheyere yahuatiquinare Cohãcjũ pehe tiquiore ohoeragũ tiquiore ye buheyere yahu masiedare. Tire ojoahye Cohãcjũ yere tiquina ojoari p̄pũ:

“Quehnoañe buheyere yahuatiquina tiquina ahtagũ ihñana quehnoano bucueaja mari”, ni ojoahye panopure.

¹⁶ Ti sa ijiepegãta masa peyequina quehnoañe buheyere tũho duerare. Sata ni ojoahye Isaia manano: “Pũhto, tiquinare mari yahurire tiquina ne tũho duerari”, ni yahuahye Isaia Cohãcjũre.

¹⁷ Sa ye masa quehnoañe buheyere tũhoye Cristore wacũ tutuari. Sa ye Cristo yequina tiquiro yere tiquina yahugũ, tiquiro ye buheyere tũhore masa.

¹⁸ Sa yegũ ahrire sinitu duaja musare: ¿Israe masa Cohãcjũ yere tũhoera tiari, musa tũhotugũ? Poto waro tiquina tũhomedĩ. Sata nine Cohãcjũ yere tiquina ojoari pũ gũhũ:

Cohãcjũ yere yahuyequina ijipihtiropũ yahu siteye wahari. Sa ye ijipihtiro cjẽnapũ tiquiro yere tũhori, ni ojoahye panopũ.

¹⁹ Pari turi musare sinitu duaja tja: ¿Israe masa tũhoepeta quehnoano masiedari tiquina, musa tũhotugũ? Masie timahye. Ahrire yahu nemogũ Moise nidire yahu mũhtaũtja. Ohõ saha ni ojoahye tiquiro:

Ohõ saha ni yahure Cohãcjũ Israe masare: “Tũho masieñequina, ñañequina, ihyo ijiyequina ijire”, ni musa ihñañequinare yeequina ijiatiquina yeitja. Yũhũ sa yegũ musa pehe tiquinare ihña coonata. Sa yegũ musare usuagũ yeitja yũhũ, ni yahuri Cohãcjũ Israe masa ijieyequinare tiquiro yequina ijigũ yero taro, ni ojoahye Moise.

²⁰ Ape pũpũre Isaia cuero marieno ohõ saha niahye:

Ohõ saha nine Cohãcjũ: Yũhũre macaedariquina pehe yũhũre bocari. Sa yegũ yũhũre cahmeeñequinare tiquinare yũhũre masigũ yei yũhũ, nidi Cohãcjũ, ni ojoahye Isaia judio masa ijieyequinare.

²¹ Israe masa pehere ohõ saha ni ojoahye Isaia: “Ohõ saha nine Cohãcjũ: Tiquina yũhũre yũhdũdũcayequina, yũhũre cahmeeñequina ijire. Sa yegũ tiquinare tiquina ñañene bujũa witi dutigũ ‘Yeequina ijia’, sa niducumi tiquinare”, nidi Cohãcjũ, ni ojoahye Isaia.

11

Meheñequinagã Israe masare pecarũ wahaboriquinare yũhdũorota Cohãcjũ

¹ ¿Sa yero Israe masare Cohãcjũ tiquiro beseriquinare yojopũre cohãyari tiquiro, mũsa tũhotugũ? Ijierare. Tiquinare cohãedari tiquiro. Yũhũ gũhũ Israe masũ, Abrahã panami iji turiagũrũ ijiaja. Sa yegũ Benjami ya curua cjũ ijiaja yũhũ. ² Panopũ Israe masare Cohãcjũ besee tiahye. Tiquiro sa beseriquinare cohãedari. Cohãcjũ yere tiquina ojoari pũrũ Elia mũnano tiquiro yerire yahure. ¿Ti pũrũ Israe masare Elia Cohãcjũre tiquiro yahusãrire masiedajari mũsa? Ohõ saha ni yahusãhye tiquiro: ³ “Pũhto Cohãcjũ, tiquina Israe masa mũhũ yere yahu mũhtariquinare wejẽdi. Sa ye tiquina mũhũre wacũ hũã ño peoye altarire cohãri. Sa yegũ yũhũ dihita mũhũ yaquiro dũhsaja yojopũre. Yũhũ sa ijigũ tũhoye yũhũ gũhũre wejẽ duare tja, yojopũre”, niahye Elia Cohãcjũre. ⁴ Tiquiro sa nigũ tũhoro

Cohãcjũ pehe ohõ saha ni yũhtiahye Eliare: “Siete mil mũna yeequina ijire yojopũre. Tiquinare ihbou yũhũ. Baal wame tiriquireo queoyere ne ño peera tiri tiquina, yeequina”, niahye Cohãcjũ Eliare panopũre cue dutieraro. ⁵ Ti pjere Elia tiquiro ijiri pjere tiquiro yequina masare beseriro sahata yojopũ gũhũre meheñequinagã Israe masare tiquiro yequina ijiatiquinare beseri jiri Cohãcjũ. Cohãcjũ tiquinare paja ihñano beseri jiri. ⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene mũsa yeri wapa mũsare beseitja”, nino, tiquiro tiquinare potota paja ihñano niedaboya.

⁷ Sa ye ohõ saha ijire. Israe masa Cohãcjũ tiquinare “Quehnoañequina ijire”, tiquiro ni ihñagũ cahmepeta tiquina ihcãno sahaerari. Cohãcjũ tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcãno sahaeraye, tiquina pehe tiquiro yere tũho duerari. ⁸ Sata niahye Cohãcjũ yere tiquina ojoari pũpũ: “Cohãcjũ tiquirore cahmeeñequinare tiquiro yere tũhoeyequina ijigũ yeri. Sa yero potota ijiyere tiquina tũhoepegũta tiquinare quehnoano tũhogũ yerari Cohãcjũ. Sata ijiducure tiquina yojopũ gũhũre”, ni ojoahye panopũre. ⁹ Sa yero ohõ saha niahye Davi panopũ cjũno Cohãcjũre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegũ ihñagũ buhiri dahreya mũhũ. ¹⁰ Tiquinare quehnoano tũhoeragũ yeya mũhũ. Sa ye sa buhiri tiducueyiquina

ijiahro tiquina. Sa ye sa bujua witiducueta, niahye Davi Cohãcjũre.

*Judio masa ijieyequinare pecarũ waha-
boriquinare yũhdũorota Cohãcjũ*

¹¹ ¿Judio masare Cristore tiquina cahmedagũ ihñano Cohãcjũ tiquinare cohãno, cohã bo cãno niboari, masa tũhotugũ? Cohã bosì tiquinare. Sa cohãedaperota tiquina Cristore tiquina cahmedagũ yojopũre judio masa ijieyequina pehere Cohãcjũ yũhdũorota. Yojopũre tiquinare tiquiro yequina wahagũ yeri Cohãcjũ. Tiquiro sa yegũ ihñañe ihquẽquina judio masa pehe tiquinare ihña cooboa. ¹² Judio masa tiquina yũhdũducagũ tiquina quehnoano yeragũ apequina pehere ahri yehpa cjẽnare ihquẽquinare Cohãcjũ yũhdũori. Tiquiro sa yũhdũogũ tiquina pehere quehnoano wahari. Tiquiro sa yeriro yũhdũoro, came judio masa pehe Cristore tiquina quehnoano wacũ tutua dũcagũ pũritare ahri yehpa cjẽnare quehnoa yũhdũaro waharota.

¹³ Yojopũre masare judio masa ijienare yahugũ tũn niaja. Cristo cũri yũhare judio masa ijieyequinare buheacjũre. Sa buhegũ ihyo waro yei niedaja. ¹⁴ Sa niaja yũhũ acayere judio masare masare tiquina ihña coogũ ye duagũ. Cohãcjũ yũhdũorina masa ijigũ ihñañe tiquina gũhũ Cristore cahme, tiquiro yũhdũoriquina wahaboa. ¹⁵ Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina wahari. Sa

ye judio masare mehenogã tiquiro cohãbo curegũ quehnoano wahari ahri yehpa cjênare. Tiquiro sa yeriro yãhdũoro judio masare tiquiro yequina ijiatiquina tiquiro yegã pũrita quehnoa yãhdũaro waharota ahri yehpa cjênare. Tiquiro yequina tiquina wahagũ peyequina masa Jesure wacũ tutuayequinare pecarũ wahaboriquinare yãhdũorota. ¹⁶ Ohõ saha ijire: Mehenogã trigo yãbũ Cohãcjãre ño peo tiquina duhu peori yãbũ quehnoari yãbũ Cohãcjũ tiquiro yegũ, dũhsari yãbũ gũhũ quehnoari yãbũta ijire. Sa yero yucũgũ nũhcori quehnoagũ, tũ dũpũri gũhũ quehnoañe dũpũri ijire. (Ohõ saha mari ni queoye mehna buhegũ Abrahã usã ñesũ mũnano quehnoariquiro tiquiro ijiriro sahata tiquiro panamena iji turiayequinarũ gũhũ quehnoañequina ijieta Cristore wacũ tutuayequina ijiye.)

¹⁷ Ihquẽquina sa ijiatiquina tiquina ijiepegãta apequina tiquina acaye pehere judio masare Cohãcjũ mehenõ cohãbo cureri. Olivo wame tidũ dũpũrire ihquẽ dũpũrire tiquiro date cohãboriro saha apequina judio masa pehere Cohãcjũ mehenõ cohãbo cureri. Sa yucũgũ dũpũrire cohãno tiquiro cohãri dũpũri ijiriropũ apeye dũpũrire nũcũ cjãnũ olivogũ dũpũrire comesa doho ohõri. Sata Cohãcjũ mũsare judio masa ijienare Abrahã panamena iji turianare comesari mũsare, mũsa gũhũre yãhdũoro taro. ¹⁸ Mũsare tiquiro sa cũgũ “Judio masa yãhdũoro quehnoana ijiaja usã”, ni tũhotueracãhña. Ahrire yãhũ yahuatire wacũña mũsa: Judio masa pehere bese mũhtahye Cohãcjũ. Sa besero tiquina acayaro ijiatiquirore cũahye Cristore, marine yãhdũoro taro. Sa yena

“Judio masa yǎhduro quehnoana ijiaja”, ni tǎhotueracǎhña masa.

¹⁹ Mǎsa judio masa ijiena pehe ohō saha niboa: “Ihquē ñañe dǎpǎrire tiquiro cohāboriro saha Cohācjǎ judio masare cohābo cureri ihquēquinare. Sa cohābo cureri tiquiro apeye dǎpǎrire camesa tiquiro doho ohōno saha tiquiro yequina marine cūno taro”, niboa mǎsa judio masare yǎhdudǎca duana. ²⁰ Ti mǎsa niñe ijirota ijire. Sa ijiepegūta tiquina Jesure tiquina wacū tutuerari buhiri Cohācjǎ cohābo cureri tiquinare. Sa yero mǎsa gǎhure Jesure mǎsa wacū tutueragū tiquiro yequina ijianaja mǎsare cǎedaboaya. Sa yena “Judio masa yǎhduro quehnoana ijiaja usǎ”, niedacǎhña masa. Sa niedana Cohācjǎre quehnoano ño peoya. ²¹ Uhmǎ tǎñe dǎpǎri yero saha judio masa pehe Cohācjǎ yequina iji mǎhtahye. Tiquiro camesari dǎpǎrire tiquiro doho ohōboriro saha camerǎ Cohācjǎ tiquiro yequina mǎsa pehere cǎahye. Sa yero tiquiro yequina iji mǎhtariquina judio masa tiquirore tiquina wacū tutueragū, tiquinare cohābo cureri. Tiquinare tiquiro cohāriro saha mǎsa gǎhure cohānota, tiquirore mǎsa wacū tutueragū. Sa yena Cohācjǎre quehnoano ño peoya mǎsa. ²² Cohācjǎ mǎsare quehnoano yeriquiro tiquiro ijigū masiña mǎsa. Sa yena cua pesaro mehna buhiri dahreriquiro tiquiro ijigū gǎhure masiña mǎsa. Tiquirore ño peoyequinare tiquiro buhiri dahrerota. Sa mǎsa tiquirore ño peoducugū pǎrita mǎsare quehnoano yerota tiquiro. Ño peerana ñañe dǎpǎrire tiquiro cohāboriro saha mǎsa gǎhure cohānota Cohācjǎ. ²³ Sa yero judio masa tiquiro

cohãbo cureriquina Cristore tiquina wacũ tua ducagã, yucũgũ dũpũrĩre masa tiquina doho ohõno saha Cohãcjũ tiquiro yequina ijigũ yerota tiquinare. Cohãcjũ tiquiro sa yeati tutuayere cœori. Sa yero tiquiro tiquinare ihquẽquinare tiquiro yequina wahagũ yerota. ²⁴ Mũsa judio masa ijina ijina, nũcũ cjãnũ olivogũ dũpũrĩ yero saha ijire mũsa. Sa ijina mũsa ijiepegũ olivogũ otedũpũ nũcũ cjẽ dũpũrĩre masa tiquina ohõno saha Cohãcjũ mũsare tiquiro yequina ijigũ yerota. Judio masa Cohãcjũ tiquiro bese mũhtariquina ijire. Sa yero tiquiro bese mũhtarina mũsa ijierapegũta tiquiro yequina mũsare ijigũ yeri tiquiro. Judio masare tiquiro bese mũhtariquina pehere tiquiro yequina ijigũ ye duare. Tire tiquiro yegũ mũsare yero yũhdũoro mijoeda cjũre.

Came judio masare pecapũ wahaboriquinare yũhdũorota Cohãcjũ

²⁵ Yũhũ acaye, ahrire masa tiquina masiedarire mũsare yahutja. “Yojopũre ẽsã dihitare besere Cohãcjũ. Ɖsã pehe masi peho cjã”, mũsa ni tũhotuerato saha ahrire yahutja. Ohõ saha ijire: Yojopũre peyequina judio masa Cohãcjũre tũho duasi. Sa ye peyequina judio masa ijieyequinare Cohãcjũ tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶ Tiquina sa cahmegũ ijipihtiyequina tiquirore cahmeñequinare judio masa pecapũ wahaboriquinare Cohãcjũ yũhdũorota. Cohãcjũ yere tiquina ojoari pũpũ sata ni ojoahye:
Jerusalẽ wame tiri macapũ judio masa ya macapũ tiquinare yũhdũoatiqũro ahtarota. Sa yero

Jacob panamena iji turiayequinare tiquina ñañe yerire tiquiro cohãnota. ²⁷ Sa yegũ tiquinare yũhdũogũ panopũ tiquinare yũhũ ni cũriro sahata yei niaja, nidi Cohãcjũ, ni ojoahye Cohãcjũ yere tiquina ojoari pũpũ.

²⁸ Yojopũre tiquina judio masa Cristo yere ño peoyequina Cohãcjũre ihña tuhtire. Tiquina sa yegũ yojopũre mũsa pehe judio masa ijiena Cristore wacũ tutua dũcari. Judio masa pehere Cohãcjũ bese mũhtahye. Sa yero judio masa ñecũsumũa mũna panopũ cjẽna tiquiro beseriquina tiquina ijigũ yojopũ ijiyequina judio masa gũhũre tiquiro cahĩne. ²⁹ Cohãcjũ tiquiro ni cũriro sahata masare tiquiro beseriro sahata potota yerota tiquiro. Tiquiro nidire bosu tiquiro. ³⁰ Panopũre mũsa gũhũ Cohãcjũre yũhdũdũcari jiri. Yojopũre judio masa Cohãcjũre tiquina yũhdũdũcagũ ihñano tiquiro mũsa pehere paja ihñano yũhdũori. ³¹ Yojopũre judio masa tiquiore yũhdũdũcari. Tiquina sa yepegũta Cohãcjũ mũsare tiquiro paja ihñariro sahata tiquina gũhũre camerũre paja ihñanota. ³² Ohõ saha ijire: Ijipihtiyequina masare “Buhiri tiyequina ijire”, nine Cohãcjũ. Sa yero ijipihtiyequina buhiri tiyequina tiquina ijigũ ihñano ijipihtiyequinare paja ihña masine tiquiro.

³³ Yohou. Cohãcjũ tutua yũhdũariquiro ijia-jari. Quehnoano masi pehoriquiro ijire tiquiro. Sa yero tiquiro tũhotuyere, tiquiro yerire marine quehnoano masino basioerare. ³⁴ Ohõ saha ni ojoahye Cohãcjũ yere: “Cohãcjũ mari pũhtoro tiquiro tũhotuyere ne masa quehnoano

masiedare. Sa ye masa tiquirore ‘Ohõ saha yeya’, ni masiedare. ³⁵ Sa ye masa Cohãcjũre apee borore tiquina ohori bato ‘Tiquiro marine wapamore’, ni masiedare masa”, ni ojoahye panopure. ³⁶ Cohãcjũ ijipihtiyere yeahye. Sa yero tiquiro tutuaye mehna ijipihtiyere ijigũ yere tiquiro. Sa ye ijipihtiyere tiquiro ye ijire. Tiquiro sa ijiriquiro ijigũ ijipihtiyere decori tiquirore ño peouhna mari. Sata yeducuuhna.

12

Cohãcjũ cahmeñene marine yeducu dutiahye Pablo

¹ Cohãcjũ marine tutuaro paja ihñari. Tiquiro sa paja ihñariquiro ijigũ ihñana yũhũ acaye, m̄sa basita Cohãcjũ yere yeducuya. Sa yena quehnoañe pehere comesarina, ñañe mariena ijiya. M̄sa sa ijigũ tiquiro bucuero. Sata yero cahmene marine Cohãcjũre ño peona. Sa yegũ m̄sare tire tutuaro ye dutiaja. ² Ahri yehpa cjẽna ñañequina tiquina yero saha ye nemoedacãhña m̄sa. Sa yena m̄sa tũhotuyepure quehnoañe pehere comesaya m̄sa. Sa yena quehnoañe pehere comesarina ijinata m̄sa. Sa comesana Cohãcjũ m̄sare tiquiro ye dutirire masinata m̄sa. Sa yena quehnoañene, Cohãcjũ cahmeñene, ñañe marieñene masinata m̄sa.

³ Cohãcjũ yũhũre paja ihñano m̄sare buhe dutiro beseri yũhũre. Sa yegũ ijipitinare m̄sare ahrire ni dutieraja yũhũ. “Quehnoa yũhdũana iji yũhdũdũcaja usã”, ni tũhotueracãhña. Sa tũhotu cãhña. Jesure m̄sa wacũ tutuari bato Cohãcjũ m̄sare tiquiro yedohoro punota “To punota ye

masiaja usã”, ni tũhotuya. ⁴ Ohõ saha ni yahu nemoutja yũhũ: Mari omocari, mari dahpocãri, mari caperi, ijipihtiro mari pagũpũ ijiye peye ijire. Mari pagũpũ ijiye ihcã pagũpũ ijiepetã sijoro saha ijiye dahraye dihitare cũore. ⁵ Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijipihitina peyequina ijiepenata ihcã curuapũta ijiaja mari.

⁶ Cohãcjũ marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cũre tiquiro. Tiquiro sa yegũ marine tiquiro cũrire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiquiro yere yahuatiquinare cũre. Sa ye tiquina Cristore tiquina masino puno tiquiro yere quehnoano yahuahro. ⁷ Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano buheahro. ⁸ Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecũoyequinare yedohoyequina bucueye mehna yedohoahro.

Jesu yequina ijina ohõ saha yena ijiya

⁹ Apequinare cahĩna, potota cahĩña tiquinare. Sa yena ñañene ihña yabina ijiya mũsa. Sa yena quehnoañe pehere cahmeña. ¹⁰ Mũsa bahanare

musa cahño sahata Jesu yequinare musa mehna cjênare cahña. Sa yena musa mehna cjênare quehnoano cahme ño peoya.

11 Cohãcjũ cahmeñene yena, ne caperacãhña. Sa yena mari pũtoro tiqiro dutiriro sahata quehnoano bucueye mehna yeya.

12 Cohãcjũ musare pecapũ wahaborinare tiqiro yũhdũorinapũ ijire musa. Tire masina bucueya musa. Sa yena ñano yũhdũna, ihcãno sahaya “Cristo yere duhuari”, ñina. Sa yena Cohãcjũre sa siniducuya.

13 Apee boro Jesu yequinare dũhsagũ ohoya tiquinare. Sa yena musa ye wũhũsepũ masa tiquina esagũ quehnoano jeripohna ti, tiquinare piti caya.

14 Musare ñano yeyequina pehere quehnoa dutiya. Sa quehnoa dutina, tiquinare “Ñano yũhdũcũnahdo”, niedacãhña.

15 Apequina bucueyequina mehna ijina musa gũhũ bucueya. Sa yena utiyequinare ihñana, uti dohoya.

16 Musa mehna cjêna mehna quehnoano ijiya musa. Sa yena “Apequina yũhdũoro quehnoana ijiaja”, ni tũhotueracãhña. Ohõ saha ni tũhotuya. “Ihyo ijina ijiaja”, ni tũhotu, ihyo ijiyequina mehna ijiya. Sa yena “Masi yũhdũducana ijiaja usã”, ni tũhotueracãhña.

17 Apequina musare tiquina ñano yepegũta, tiquinare ñano ye cahmedacãhña. Sa yena quehnoañene yeya, quehnoana musa ijiye tiyere ijipihtiyequina masa tiquina masiatire.

18 Tutuaro mehna quehnoañene yeya musa,

ijipihtiyequina mehna m̄sa quehnoano ijiatire.
¹⁹ M̄sa ȳh̄h̄ cah̄ña, ȳh̄h̄ acaye arequina m̄sare tiquina ñano yepeḡta tiquina yero saha ñano ye cahmedac̄h̄ña. Coh̄c̄j̄ pehe m̄sare tiquina ñano yeri buhiri buhiri dahreahro tiquinare. Coh̄c̄j̄ yere tiquina ojoari p̄p̄ sata ni ojoahye: “Ȳh̄h̄ pehe masa tiquina ñano yeri buhiri buhiri dahreac̄j̄ ijiaja. Sa yeḡ potota buhiri dahreitja’, nine mari p̄htoro”, ni ojoahye panop̄re.
²⁰ Sa yena oh̄ saha yeya m̄sa: “M̄sare ih̄ña tuhtiriq̄iro tiq̄iro ɱj̄a ahbaḡ ih̄ñana nuña tiq̄iروه. Tiq̄iro aco w̄oḡ ih̄ñana tiq̄iروه sih̄ña. M̄sa sa yeḡ ih̄ñano tiq̄iro b̄e tirota”, nine mari p̄htoro. ²¹ Sa yena arequina m̄sare tiquina ñano yepeḡta m̄sa pehe tiquinare ñano ye cahmedac̄h̄ña. Sa yena tiquinare quehnoano yeya. Sa yena ñañene ye duerana ninata m̄sa.

13

¹ Ijipihtiyequina p̄htoare Coh̄c̄j̄ dihita c̄re. Sa yero m̄sa p̄htoa ḡh̄re Coh̄c̄j̄ bese c̄re. Tiq̄iro sa c̄riquina tiquina ijiḡ ih̄ñana ijiphtina m̄sa tiquinare yahtiya. ² Mari bui c̄j̄na p̄htoare quehnoano ȳhtierana Coh̄c̄j̄ tiq̄iro bese c̄riquinare ȳhd̄d̄c̄ana niaga mari. Sa ȳhd̄d̄c̄ariquinare Coh̄c̄j̄ pehe buhiri dahrerota. ³ Quehnoañequinare c̄eḡ yeatiquina ijierare p̄htoa. Ñañene yeyequina pehere c̄eḡ yeatiquina ijire tiquina. Quehnoañene yeya m̄sa p̄htoare m̄sa cueratire. Sa yena cuesi m̄sa. Quehnoañene m̄sa yeḡ p̄htoro pehe “Quehnoano yeri m̄sa”, m̄sare ninota.
⁴ M̄sa p̄htoa m̄sare yedohoatiquinata ijire

musa quehnoano ijiatire. Sa ye tiquina musare buhiri dahreatiquinata ijire. Ijipihtiyequina ñañene yeriquinare buhiri dahre dutiro Cohãcjũ tiquinare beseri. Tiquina sa buhiri dahreatiquina ijigũ ñañene yena musa pũhtoare cueya. ⁵ Sa yena mari pũhtoare yũhtina, tiquina buhiri dahreatire cueracãhna. Sa yena ño peoye mehna “Quehnoañene yero cahmene yũhure”, ni tũhoturo mehna quehnoano yũhtihna. ⁶ Musa pũhtoare tiquina dahrayere cũri Cohãcjũ. Sa yena tiquina dahrayere tiquina yegũ ihñana musa pũhtoare wapa ne cohteyequinare wapa yere musa.

⁷ Ijipihtiyequinare musa pũhtoare quehnoano yũhtiya. Sa yena pũhtoare wapa ne cohteyequinare wapa yeya musa. Sa yena pũhtoa pehe apeyere tiquina wapa ye dutigũ gãhure wapa yeya. Sa yena ijipihtiyequina pũhtoare quehnoano ño peoya. ⁸ Apequina masare wapamoedacãhña. Tiquinare cahño cahmene. Sa ye cahĩ nemono cahmene. Tiquiro cahapũ ijiriquirore cahĩdiquiro Cohãcjũ dutiyere ye peho tuhasariquiro ijire. Sa yena musa caha ijiyequina gãhure cahña. ⁹ Ohõ saha nine Cohãcjũ dutiye: “Apequiro namono mehna ñano yeracãhña. Masare wejẽdacãhña. Yaqueracãhña. Apequina yere tutuaro cahmedacãhña”, ni yahure tiquiro dutiye. Apeye dutiye gãhũ ijire. Sa ijiepegãta ihcãno dutirore musare yahugũ tũ niaja. Ti dutiro ihcãno dutiro ijiepegãta ti dutirore yena, Cohãcjũ dutiyere ye pehona niaja mari. “Mũhũ basi mũhũ cahño saha mũhũ caha ijiyequina gãhure cahña”, nine ti dutiro. Ti dutirore yena Cohãcjũ dutiyere ye pehona ijina nine musa.

10 MUSA caha ijiriquirore cahña, tiquirore ñano yesi. Sa yena tiquirore cahña, Cohãcjũ dutiyere ye pehona nine MUSA.

11 Sa yena carĩñequina yero saha ijieracãhña MUSA. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tũhotumi. Mari sa ni tũhotuepegãta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine MUSA. 12 Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocũhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocũhna mari. 13 Sa yena quehnoañe pehere yeihna. Sa yena bose decorire yena ñano yeracũhna. Sa yena queheracũhna. Sa yena wũana tina, apequina mehna ñano yena, cahme dũse tini wiana, ihña coona ijieracãhna. 14 Sa yena mari pũhoro Jesucristo tiquiro yedohoye mehna quehnoano ijiya MUSA. Sa yena ñañene MUSA tutuaro cahmeñene yeracãhña.

14

*MUSA acayere Jesu yequinare “Ñano yee nine”, ni yahu wajaeracãhña
(1 Co 8.1-13)*

1 Jesure wacũ tutuariquiro Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano

masiedarĩgũ ihñana “Ne masiedare mũhũ”, ni cahme dũse tutueracãhña tiquiro mehna. ² “Ijipihtiyere ihya masiaja yũhũ”, ni tãhoture apequina. Sa ye apequina pehe Jesu yere quehnoano masiedarĩñe, wahiquinare ihyeraye, oteye dũca dihitare ihyare. ³ Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquinare ihyeyequina pehe tiquinare yahu wajaeracãhdo. ⁴ Jesure wacũ tutuayequina Cohãcjũ cahacjẽna ijire. Tiquina sa ijigũ ihñana mũsa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gũhare tire yahu masine tiquiro tiquinare. Sa yero tiquiro pehe “Ñano yeri mũhũ”, ni yahuatiquiro ijirota. Sa yero tiquiro cahacjẽnare quehnoañene yeducu masigũ yeriquiro ijire Cohãcjũ.

⁵ Ihquẽquina ihcã decore Cohãcjũre tiquina ño peoati deco yere. Sa ye apeye decorire “Dahraye decori ijire”, ni tãhoture. Apequina pehe decoripe Cohãcjũre ño peoducure. Tiquina ihcãno saha sa yerariquina ijiepeta ijipihtiyequina ohõ saha ni tãhotuahro: “Jesu tiquiro cahmeno sahata quehnoano yena niaja”, ni tãhotu masiahdo. ⁶ Masũno ihcã deco tiquiro ño peoati deco yere

Cohãcjũre ño peoro taro. Sa yero decoripe ño peoducuriquiuro Cohãcjũre quehnoano ño peore tiquiro gũhũ. Sa yero sijieriquiro gũhũ ihyaro, Cohãcjũre “Quehnoare”, ni sinine. Sa yero tiquiro gũhũ ihyariquiro ijiro Cohãcjũre ño peoriquiro ijire. Sa yero ihquẽ ihyayere sijiriquiro pehe tiquiro sijire Cohãcjũre ño peoro taro. Sa yero tiquiro gũhũ Cohãcjũre “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari pũhtoro. Sa yero mari catigũ mari yariagũ gũhũre mari pũhtoro ijire.

⁸ Yojoꝑũre mari catiro puno Cristo yere yeana ijiaja mari. Tiquiro yequina ijiaja. Mari yariari batopũ gũhũre tiquiro yequina ijinata. Sa yero mari catigũ mari yariagũ gũhũre Cristo mari pũhtoro ijire. ⁹ Sata ijire. Cristo yaria masa mũjahye, catiequina, yariariquina gũhũ tiquina pũhtoro ijiro taro.

¹⁰ ¿Dũhsena tana mũsa acayũrore Jesu yaquiore “Ñano yero nine”, ni yahu waja duajari mũsa? ¿Dũhsena tana mũsa acayũrore cahta diho cũ duajari mũsa? Mari ijipihtina Cristo caha mari ducugũ tiquiro pehe mari yerire masi pehoru, marine beserota quehnoana, ñana gũhũre. Tiquiro sa be-seatiquiro ijigũ mũsa acayũrore “Ñariquiro ijire” ni yahu wajaeracãhña. ¹¹ Cohãcjũ yere tiquina ojoari pũꝑũ ohõ saha ni ojoahye:

Ohõ saha nidi mari pũhtoro: “Ahri potota ijire. Ijipihtiequina yũhũ poto dũsepe curi mehna quehe saeta. Sa ye ijipihtiequina ‘Quehnoagu, tutuagu ijire’, ni, yũhũre ño peoeta”, nidi mari pũhtoro, ni ojoahye.

12 Sa yena ijipihntina mari yerire Cohãcjũ siniturota. “¿Dũhse yena sa yeari?” ni siniturota. Tiquiro sa ni sinitugũ yũhtiro cahmene marine.

Mũsa acayũrore ñano yegũ yeracãhña mũsa

13 Sa yena mari mehna cjẽna gũhũre “Ñañequina ijire”, ni yahu wajaeracãhna. Sa yena mari acayũrore Jesu yaquirore ñano yegũ yeracãhna. 14 Yũhũ Jesucristo yaquiro ijiaja. Sa yegũ ahri yũhũ niatire quehnoano masiaja yũhũ: Yũhũ pehe ijipihntiye ihyayere yũhũ ihyagũ yũhũ ihyari buhiri, buhiri mariedare. Apequiro pehe “Ahri ihyayere ihyagũ ñano yei niaja”, ni tũhoturiquiro pehe ihyaro, potota buhiri tiriquiro ijire. 15 Ti potota ijire. Mũsa apee borore mũsa ihyagũ mũsa acayũro mũsare ihña cũ ihyaro, “Yohou, ñano yei niaga yũhũ”, ni pajiro tũhotuboaga tiquiro. Tiquirore sa ihña cũ ihyagũ yena, tiquirore cahĩedare mũsa. Apee borore mũsa ihyagũ ihña cũ ihyaboaga tiquiro. Sa ihyaro “Ñano yei niaja”, ni tũhoturo Cristore duhuboaga. Mũsa acayũro ye buhirire yariari Cristo. Sa yena “Cristore duhuari”, nina tiquirore ihña cũgũ yeracãhña. 16 Sa ye “Ahri usã yeri quehnoarĩaga”, mũsa ni tũhotugũ apequina mũsare yahu wajaboaga. Tiquina sa yahu wajagũ ihñana, mũsa sa yerire ye nemoedacãhña, “Yahu waja nemoari” nina. 17 Cohãcjũ pehe mari pũhtoro ijire. Tiquiro sa ijigũ mari ihyaye, mari sihniñe gũhũ sa iji cãno nine. Ihyo warota ijire. Sa ye mari pũhtoro tiquiro dutiyere, quehnoañe gũhũre mari yegũ ti waro ijiro nine. Sa ye apequina mehna mari quehnoano ijigũ gũhũre quehnoañe waro ijiro nine. Sa ye Espiritu Santo yedohoye mehna

mari bucuegũ quehnoañe waro ijiro nine. ¹⁸ Sata Cristo yere yeriquirore ihñañe Cohãcjũ, masa gãhũ “Quehnoano yeri mũhũ”, nieta.

¹⁹ Sata yeihna mari pũrita quehnoano mari iji-atire, mari basi mari cahme yedohoatire. Sa yena Jesure wacũ tutua nemonata. ²⁰ Apequiro Jesu yaquiro tiquiro ihya dutierarire mũsa ihyagũ ihñano tire coeraro, Cohãcjũ yere cohãboaga. Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegũta apee borore mari ihyagũ apequiro “Ñañe ihyaye iji-aga ahri”, nidiquiro ijieperota ihña cũ ihyaboaga. Sa ihyaro ñano yero niaga tiquiro. Sa yena marine tiquiro ihña cũ ihyagũ, mari gãhũ ñano yena niaja. ²¹ Wahiquina dihire mũsa ihyagũ ihñano, vinore mũsa sihnigũ ihñano, apequiro Jesu yaquiro “Tire ihyagũ ñano yei niaga yũhũ”, ni tũhoturiquiro ijieperota tiquiro gãhũ ihña cũ, ihya sihniboaga. Sa ni tũhoturiquiro pũrita ihya sihnino ñano yero nine. Sa yena tiquiro ñano yerato saha Jesure tiquiro wacũ tutua duhuerato saha wahiquina dihire, vino gãhũre mũsa pehe mũsa duhugũ quehnoarĩne. ²² “Ijipihtiyere ihya masi-aja”, ni tũhotuna, tire Cohãcjũ dihitare yahuya. Ñañene yerariquiro, “Quehnoano yei niaga yũhũ”, ni tũhoturiquiro bucueriquiro ijire. ²³ Apequiro pehe “Ahri ihyayere ihyagũ ñano yei niboaga yũhũ”, ni tũhoturiquiro ijieperota ti ihyayere ihyaro, buhiri tiriqũiro ijire tiquiro. “Ahrire ihyagũ potota quehnoañene yei niaja”, ni tũhotuerare tiquiro. Sa ni tũhotueraro tire ihyaro, tiquiro ihyari buhiri buhiri tire tiquiro. “Quehnoañene

yei niaja”, ni t̄hotueraro tire yero, buhiri tire tiquiro.

15

Mari caha ijiyequinare quehnoano yeihna

¹ Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare yeducueracũhna. ² Sa yena mari caha ijiyequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire. ³ Cristo pehe tiquiro ye dihitare yerahye. Sata nine Cohãcjũ yere tiquina ojoari p̄p̄. Ohõ saha ni ojoahye: “Cristo ohõ saha nidi Cohãcjũre: ‘M̄h̄ pehere ñano yahuducuboriquina ȳh̄ pehere ñano yahuducuri’, nidi Cristo Cohãcjũre”, ni ojoahye panop̄. (Sa tiquina ñano yahuducunohriquiuro ijiro Cristo tiquiro Pacuro ye pehere ye basaro niahye.) ⁴ Panop̄ Cohãcjũ yere tiquina ojoari p̄p̄ tiquina ojoahye mari quehnoano buheatire. Sa yena ti p̄re buhena bucueaja. Sa buhena mari ñano ȳhd̄na ihcãno sahanata. ⁵ Cohãcjũ m̄sare tutuagũ yeriquiro bucuegũ yeriquiro m̄sare ijipihtinare ihcãno saha quehnoano ijigũ yeahro, Cristo cahmediro sahata. ⁶ Sata yeahro tiquiro m̄sa ijipihtina ihcãno mehna Cohãcjũre mari p̄h̄toro Jesucristo Pacurore “Quehnoaḡ, tutuaḡ ijire”, ni m̄sa ño peoatore.

Judio masa ijieyequinare quehnoañe buheyere yahu d̄cahye

7 Cristo marine tiquiro yeriro sahata m̄sa mehna cj̄nare quehnoano cahme piti caya. M̄sa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. 8 M̄sare ahrire niita niaja: Judio masare yedohoatiquiro ahtahye Cristo. Cohãcjũ tiquiore ohoro judio masa usã ñecusum̄na m̄nap̄re panop̄re cj̄nare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo. 9 Masare Cristo tiquiro yedohogũ Cohãcjũ paja ihñano nine tiquinare. Tiquiro sa paja ihñagũ judio masa ijieyequina gũh̄ Cohãcjũre “Quehnoagũ, tutuagũ ijire”, ni, ño peore yojop̄re. Tiquina gũh̄re tiquiro yequina ijigũ yero ahtahye Cristo. Cohãcjũ yere tiquina ojoari p̄p̄re sata ni ojoahye:

Cristo ohõ saha niahye Cohãcjũre:

Judio masa ijieyequina caha m̄h̄re “Cohãcjũ quehnoagũ, tutuagũ ijire”, ni ño peoutja. Sa yegũ tiquina caha basagũ m̄h̄re basatja, niahye Cristo Cohãcjũre, ni ojoahye panop̄re.

10 Sa yero ohõ saha ni ojoahye tja:

Cohãcjũ tiquiro beseriquina judio masa mehna cahme bucueya m̄sa gũh̄ judio masa ijiena, ni ojoahye panop̄re.

11 Sa yero ohõ saha ni ojoahye tja:

Judio masa ijieyequina ijipihtiequina Cohãcjũre ño peohro. Sa ye ijipihtiro cj̄na tiquiore “Quehnoagũ, tutuagũ ijire”, ni ño peohro, ni ojoahye.

12 Sa yero Isaia m̄n̄ano gũh̄ ohõ saha ni ojoahye:

Isaí panamino iji turiariquiro ahtarota. Sa ahtaro judio masa ijieyequina p̄h̄toro ijirota tiquiro. Sa ye tiquina pehe tiquirore wacū tutua, tiquinare pecar̄wahaboriquinare tiquiro ȳhd̄oatire masieta tiquina, ni ojoahye panop̄re.

13 Cohãcjũ marine ȳhd̄oro ahtatiquiro quehnoano m̄sare bucuegũ yeahro. Sa yero Jesure m̄sa wacū tutuagũ m̄sare quehnoano ijigũ yeahro tiquiro. M̄sare tiquiro sa yegũ m̄sare tiquiro ȳhd̄oatire Espíritu Santo tutuaye mehna bucueye mehna masi nemonata m̄sa.

14 Ahrire m̄sare ȳh̄ yahuatire quehnoano masiaja. M̄sa pehe quehnoana ijire. Sa yena Jesu yere quehnoano masine. Sa masina m̄sa mehna cj̄nare cahme quehnoano yahu, buhe masine m̄sa. 15 M̄sa sa masina m̄sa ijiepegũta ihquē tahari ahri p̄r̄re m̄sare cuero marieno quehnoano yahu peho ojoam̄ m̄sa wacūato saha. Cohãcjũ ȳh̄re cah̄no m̄sare buhe dutiro c̄ri ȳh̄re. Sa yegũ tiquiro c̄riro sahata yegũ tagũ m̄sare wacũgũ yeí. 16 Ȳh̄re tiquiro sa c̄gũ Jesucristo cahacjũ ijigũ tiquiro yere quehnoañe buheyere judio masa ijieyequinare buheaja ȳh̄. Ȳh̄ sa buhegũ t̄hoye judio masa ijieyequina Jesure wacū tutuaeta. Tiquina sa wacū tutuagũ ih̄ano tiquinare Cohãcjũ “Quehnoañequina ijire”, ni ih̄anota. Sa yero tiquinare cahmenota. Sa yero Espíritu Santo pehe Cohãcjũ yequina ijigũ yerota tiquinare. Pahia ɱj̄a m̄o Cohãcj̄re tiquina ohoriro sahata, tiquinare ñañe marieñequinare Cohãcj̄re oho duaja.

17 Sa yegꝰ Jesucristore wacũ tutuagꝰ ijigꝰ Cohãcjũ tiquiro buhe duti cũrigꝰ ijigꝰ bucueye mehna buheaja mꝰsare. 18-19 Apequina judio masa ijieyequinare Cristo yedohoye mehna tiquinare yꝰhꝰ buhegũ tꝰhoye, yꝰhꝰ yerire ihñañe, Cohãcjũ tutuaye mehna ye ihñorire ihñañe, Espiritu Santo tiquiro tutuaye mehna tiquina Cristore wacũ tutuari. Ahri pũritare mꝰsare pototi yahu duaja. Apequinapꝰ tiquina yerire yahueraja. Jerusalẽpꝰ coã yꝰhꝰ buhe dꝰcari bato ijipihtiye macaripꝰ buhe dꝰcaꝰ. Tee Ilirico yehpapꝰ gũhꝰre Cristo ye buheye quehnoañe buheyere buhei esaꝰ. 20 Sa yegꝰ Cristo yere masieñequina dihitare quehnoañe buheyere tutuaro buhe duaꝰ, yꝰhꝰ mehna cjẽna tiquina buhenohriquinapꝰre buhe dueragꝰ. 21 Sata ni ojoahye Cohãcjũ yere tiquina ojoari pũpꝰ:

Panopꝰ tiquirore ne tꝰhoerariquina tiquirore masieta. Sa ye tiquirore ne tꝰhoerariquina tiquiro yere quehnoano tꝰhoeta, ni ojoahye Cohãcjũ yere tiquina ojoari pũpꝰ.

Pablo Romapꝰ tiquiro wahatire yahuahye

22 Sa yegꝰ ijipihtiro cjẽnare buherigꝰ ijigꝰ peye tahari mꝰsa cahapꝰ waha duepegũta waha masiedahti. 23 Yojoꝰre ahri yehparipꝰre yꝰhꝰ dahraye pihtia wahari. Sa pihtigũ ihñagũ, peye cꝰhmari mꝰsa cahapꝰ waha duarigꝰ ijigꝰ mꝰsa cahapꝰ wahaũtja. 24 Sa ye Espaãapꝰ wahagꝰ mꝰsare topꝰ ihña yꝰhdꝰ cãũtja. Sa yegꝰ mꝰsa mehna bucueitja. Sa yegꝰ mꝰsa mehna yꝰhꝰ mehenogã ijiri bato yꝰhꝰre mꝰsa yedohoye mehna Espaãapꝰ wahaũtja. 25 Yojoꝰre Jerusalẽpꝰ

waha_u t_u niaja. To cjenare Jesu yequinare y_uh_u acayere niñerure sog_u waha_u t_u niaja. ²⁶ Macedonia yehpa cjen_a, Acaya yehpa cjen_a g_uh_u quehnoano mehna Jesu yequinare Jerusal_ep_u ijiyequinare pejec_uoyequinare niñerure ohori tiquinare yedohoye. Sa yeg_u tiquinare tire oho basag_u waha_u t_u niaja. ²⁷ Ti niñerure ohoye, quehnoano mehna ohori tiquina. Tiquina sa yeg_u quehnoar_ine, y_uh_u t_uhotug_u. Tiquinare judio masa ijieyequinare judio masa pehe Coh_acj_u yere buhe m_uhtari. Sa ye tiquinare tiquiro y_uhd_uoato g_uh_ure buhe m_uhtari judio masa. Tiquina sa buheg_u ih_nag_u Macedonia cjen_a, Acaya cjen_a mehna tiquinare tiquina yedohog_u quehnoar_ine y_uh_ure. Tiquinare tiquina buheri wapa yero saha ijire ti, y_uh_u t_uhotug_u. ²⁸ Sa yeg_u Jerusal_e cjenare ti niñerure oho tuhasag_u Espa_nar_u waha_utja. Top_u wahag_u m_usare ih_na y_uhd_u c_antja. ²⁹ Sa yeg_u m_usa cahar_u y_uh_u wahag_u Cristo yere m_usare y_uh_u buheg_u tiquiro m_usare quehnoano jeripohna tig_u yerota.

³⁰ Y_uh_u acaye, mari p_uhtoro Jesucristore wac_u tutuare m_usa. Sa yena Esp_iritu Santo tutuaye mehna apequinare cah_ine m_usa. Sa yena y_uh_u g_uh_ure tutuaro sini basaya Coh_acj_ure. ³¹ Oh_o saha ni sini basaya: Judea yehpa cjen_a Jesure ño peoyequina y_uh_ure tiquina ñano ye duag_u Coh_acj_u y_uh_ure tiquiro yedohoato saha sini basaya. Sa yena Jerusal_e cjenare niñerure y_uh_u ohog_u tiquina tire bucueye mehna tiquina ñeheat_o saha sini basaya. ³² M_usa sa sinig_u Coh_acj_u cahmeg_u bucueye mehna m_usa cahar_u waha_utja. Sa yeg_u m_usa mehna ijig_u bucueye mehna soutja.

33 Cohãcjũ marine quehnoano ijigũ yeriquiro m̄sa mehna ijiducuahro. Sata ijiahro.

16

Pablo quehnoa dutiahye

¹ Mari acayoro Febe wame tiricoro m̄sa cahap̄ waharo taro nine. Ticoro Cencrea wame tiri macap̄ Jesu yequinare cahmecoañequinare yedohoricoro ijire. ² Sa yero peyequinare yedohoricoro ȳh̄ ḡh̄are yedohoricoro ijiri ticoro. Sa yero mari puhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya m̄sa.

³ Aquila, tiquiro namono Priscila ḡh̄ quehnoahdo. Jesucristo yere ȳh̄ buhegũ tiquina ḡh̄ ȳh̄ mehna dahrari. ⁴ Tiquinare mehenno wejẽmedi, apequina ȳh̄are tiquina wejẽ duagũ tiquina yedohori buhiri. Sa yeḡ tiquina mehna bucueaja ȳh̄. Sa ye judio masa ijieyequina Jesu yequina ijipihtiequina tiquina ḡh̄ tiquina mehna bucuere. ⁵ Sa ye Aquila ya w̄h̄ap̄ cahmecoañequina ḡh̄ Jesu yequina quehnoahdo. Ȳh̄ cahñiquiro Epeneto ḡh̄ quehnoahdo. Tiquiro Asia yehpa cjãno top̄ ijiro Cristore wacũ tutua m̄htariquiro ijiri. ⁶ María ḡh̄ quehnoahdo. Ticoro m̄sa mehna tutuaro dahrari. ⁷ Ȳh̄ acaye Andronico, Junia ḡh̄ quehnoahdo. Peresup̄ ȳh̄ ijigũ tiquinata ȳh̄are piti tiyequina ijiri. Sa ye ȳh̄ pano Cristore wacũ tutua m̄htari tiquina pehe.

Apequina Jesu cūriquina pehe tiquinare “Potota quehnoañequina ijire”, ni yahuducure.

⁸ Amplia gūh_u yūh_u cahñiquiro Jesu yaquiro ijire. Tiquiro quehnoahdo. ⁹ Sa yero Urbano gūh_u quehnoahdo. Tiquiro gūh_u mari mehna Cristo yere dahrari. Sa yero yūh_u cahñiquiro Estaqui quehnoahdo. ¹⁰ Sa yero Apele gūh_u quehnoahdo. Tiquiro potota quehnoano Jesure wacū tutuare. Tiquiro yerire ihñana tire masiaja mari. Sa ye Aristobulo ya wūh_u cjēna ijipihtiyequina tiquiro namono tiquiro pohne gūh_u quehnoahdo. ¹¹ Yūh_u acayuro Herodiō quehnoahdo. Sa ye Narciso ya wūh_u cjēna Jesu yequina quehnoa pihti cāhdo. ¹² Sa ye Trifena, Trifosa gūh_u quehnoahdo. Ti numia mari pūhtoro Jesu ye dahrayere tutuaro yere. Mari cahñicoro Pérsida gūh_u quehnoahdo. Ticoro mari pūhtoro yere tutuaro dahrari. ¹³ Sa yero Rufo mari pūhtoro Jesure quehnoano wacū tutuariquiro, tiquiro yere quehnoano yeriquiro quehnoahdo. Tiquiro pacoro gūh_u quehnoahdo. Ticoro yūh_u paco yero saha ijiricoro ijire. ¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjēna gūh_u quehnoahdo. ¹⁵ Sa ye Filologo, Julia, Nereo, tiquiro bahoro gūh_u, Olimpa, apequina tiquina mehna cjēna gūh_u Jesu yequina quehnoahdo.

¹⁶ Sa yena mūsa mehna cjēnare piti cana, quehnoano mehna piti caya. Ijipihtiyequina Jesu yequina ijipihtiro cjēna mūsare quehnoa dutire.

¹⁷ Yūh_u acaye, mūsa mehna cjēna ihquēquina mūsare cahme ihña tuhtigū yeyequina, cahme tu

wagũ yeyequina ijiñohti. Sa ye m̄sare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyequinare piti tieracãhña. ¹⁸ Sa yeyequina mari p̄hutoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano t̄aho coaro dero majare doco ni meho buhere quehnoano masieñequinare. Tiquina sa ni mehogũ tiquinare quehnoano t̄ahore. Sa yena tiquinare piti tieracãhña m̄sa. ¹⁹ M̄sa pehe Jesure quehnoano ȳhtina ijiñohti. Tire ijipihitiyequina masine. Sa quehnoano ȳhtina m̄sa ijigũ bucueaja ȳh̄. Sa yeḡh̄ quehnoano m̄sa yeatire m̄sa masigũ cahmeaja ȳh̄. Sa yeḡh̄ ne ñañene m̄sa yeragũ ḡh̄ure cahmeaja ȳh̄. ²⁰ Sa yero Cohãcjũ marine quehnoano ijigũ yeriquiro mehenogã bato m̄sare yedohorota “Satanare ȳhd̄d̄caahro”, nino. Mari p̄hutoro Jesucristo mehna m̄sare quehnoa dutiaja.

²¹ Timoteo ȳh̄ piti m̄sare quehnoa dutire. Ȳh̄ acaye judio masa ḡh̄, Lucio, Jasõ, Sosipate m̄sare quehnoa dutire.

²² Ȳh̄ Tercio ahri p̄re Pablore ojoa basaḡh̄ iji-aja. Ȳh̄ Jesu yaquiro ijiḡh̄ m̄sare Jesu yequinare quehnoa dutiaja.

²³ Gayo ya w̄h̄p̄h̄ ijiḡh̄ niaja ȳh̄ Pablo. Tiquiro ya w̄h̄p̄h̄ Jesu yequina cahmecoare. Tiquiro ḡh̄ m̄sare quehnoa dutire. Sa yero Erasto ahri maca cjẽna p̄htoare niñeru ihbo cohteriquiro m̄sare quehnoa dutire. Mari acaȳro Jesu yaquiro Cuarto ḡh̄ m̄sare quehnoa dutire.

[²⁴ Mari p̄htoro Jesucristo mehna m̄sare ijip-
ihtinare quehnoa dutiaja.]

Pablo Cohãcj̄re ño peoro ojoa bato tiahye

²⁵⁻²⁷ Mari p̄htoro Jesucristo ye buheye mehna quehnoañe buheye mehna Cohãcj̄ m̄sare tiquiore wacũ tutua nemogã ye masine. Panop̄re quehnoañe buheye ne masare yahuerari buheye ijimahye. Yojoop̄re Cohãcj̄ yere yahu m̄htariquina m̄na tiquina ojoari mehna ti buheyere yahuri jire. Yuh̄ gãh̄ tire buheaja. Ti buheyere ijipihtiro cj̄ena yojoop̄re masine. Cohãcj̄ sa ijiducuriquiore tiquiore dutiro sahata tiquina masine. Ti buheyere tiquiota yahu dutiahye masa tiquiore tiquina ȳhtiatire, tiquiore tiquina wacũ tutuati gãh̄re. Sa yena tiquiore “Potota quehnoaḡ, tutuaḡ ijire”, ni ño peouhna. Tiquiro ihcãquiota Cohãcj̄ dihita quehnoano masi pehoriquiore ijire. Jesucristo yedohoye mehna Cohãcj̄re sa ño peoducuuhna mari. Sata ijiducuuhna.

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022
ad83cef1-6eb5-5233-a8f3-356e47bbda0d